

宗子相集

明刊本

宗子相集

4全



宗子相集叙

嗚呼此廣陵宗臣子相之詩若文
武昌吳國倫傳之而吳郡王世貞
為之叙叙曰昔在建安二曹龍奮
公幹角立爰至潘陸衍藻太冲脩
質沈宗麗爾必簡嶽嶽李杜並驅



龍標脫銜古之豪傑於辭者往往
志有所相合而不相下氣有所不
相入而相為用則豈盡人力哉蓋
亦有造物微旨矣日余與李攀龍
于鱗燕中游也子相實挾吳生暨
天目徐生未子相才高而氣雄自

喜甚嘗從吳一再論詩不勝覆酒
盃噉之裂帛而淫思竟日夕至嗜
嗜嘔血也當其所極意神與才傳
天竅自發叩之泠然中五聲而誦
之爽然風露襲於腋而投於咽然
當其所極意而尤不已則理不必

天地有而語不必千古道者亦間
離得之夫以于鱗之寸然不敢盡
斥矩矱而創其好即何論世貞哉
子相獨肯肯不屑也曰寧瑕無砥
又曰致良在御精鏢在筐可以噉
決而廢千里余卒無以雞子相也

諸善子相者謂子相起津筏而上
之少年間是非子相者謂子相欲
逾津而棄其筏然雅冰子相指也
完吾結撰之思際吾寸之累以與
物坑會坑合則吾收其全瑜不合
則吾姑取瑜而任瑕字不得累句

句不得累篇吾時持上駟以次馳
天下之中下者有一不勝而無再
不勝如是耳今其篇章具在即使
公幹大冲必簡龍標小自貶損而
附於諸賢之驥子相甘之哉子相
於文筆尤奇第其力足以破冗腐

成一家言奪今之耳觀者而大趣
乃在吐地李先生以子相之詩足
無憾於瀟乃從從屈法而伸其才
其文足盡於寸乃從從屈寸而就
法而又不假年以沒悲夫悲夫然
具是不朽矣世之立功名尚通顯

者日談薄文士無毛髮之用子相
獨不然其為考功郎有聲以不能
附會非久出叅閩藩屬有島寇事
衽席吏民調兵食規摹為一方寇
既又佐其臬為儒生師帥比死家
祀而人哭之則子相居恒不憚謂

麒麟鳳皇寧能並鷄犬用乎不得
乙不能為聖世吾厭吾鷄犬行去
矣于鱗大賞之為詩曰一為麟鳳
言三歎加殮食其曹偶持論若此

方城先生小像



宗子相集叙畢

方城先生小像贊

嗟哉先生

世仰才名

稀覯厥容

或覩其官

稀識厥心

心乎有寄

千古為盟

嗟哉先生

士林矩範

藝圃師程

門人蕭時中頓首百拜

宗子相集

目錄

詩部

古樂府四十八首

古調歌十四首

五言古詩五十六首

五言絕句四十七首

五言律詩一百十三首

五言排律十六首

七言古詩二十九首

七言絕句五十五首

七言律詩一百七首

文部

序八首

傳二首

記五首

誌銘一首

贊一首

跋一首

書四十九首

目錄終

宗子相集卷之一

廣陵宗 臣著

武昌吳國倫校



詩部

古樂府 凡四十八首

雉子斑

雉子斑斑乃游水湍朝遊水北暮游水南五色
其羽文何翩翩嗟彼王孫來游江干須臾眇之
忽焉見殘雉子向言有鳥在天爾胡我殘有鴻

在沼爾胡我殃嗟雉子爾無言爾懼我殘爾懼
我殃誰令爾斑

君馬黃

君馬黃臣馬青二馬並逐臣馬停臣馬停君馬
飛行塵走電過龍庭一鞭胡騎驚再鞭胡塵平
錦泥玉障垂勲名吁嗟乎荆棘滿山山路黑君
王未可馳八極

戰城南

戰城南望城北城北陣雲紅城南陣雲黑生當

封侯死當廟食揮金戈擁雕戟馬走韉人失魄
百萬熊羆一時外歸來画麒麟觀者坐太息戰
城南望城北

上陵

上陵何所見但見栢與松白楊蔽其上秋風蕭
蕭鳴金為闕玉為楹石為馬銅為龍重泉一以
閑萬古不復醒悟彼泉下人喟然傷中情今日
樂且樂延平萬壽春

巫山高

巫山高上摩千層之青天下渺萬丈之重淵雲
胡為哉生其巔朝飛去暮來旋登山步雲令人
神飛白日可摩玄龍可騎下視浮世千萬里蒼
茫浩蕩空烟水

朱鷺

朱鷺朱鷺不在天不在渚飛若堂作若鼓倡若
歌起若舞玉戟升朱矛舉燕明堂耀神兵享有
道心不庭棲鳳羽布龍城一人慶四海寧

有所思

有所思乃在大海南海路一何長海水一何寒
迢迢千萬里上有蓬萊山山中有真人顏色如
渥丹青霞為君衣紫霞為君餐桂枝夾道旁上
長青琅玕奉仙三五人游戲青雲端未螭為前
驅蒼龍護其關月下散瑤步玉聲何珊珊我欲
往從之道路阻且難中心悵有違慷慨起長嘆

思悲翁

思悲翁悲何極朝相思暮相憶今者華昔者黑
白日難東黃河難北思悲翁悲何極

聖人出

聖人出應昌期龍來游鳳來儀天地並日月齊
統六合化九夷產朱草芬兮芝延年壽萬歲期
寄謝許由與巢父及今不出待何時

上之回

上之回駕雲車格皇心隆帝圖上之回來甘泉
仁聖德萬邦傳上之回臨三關走九夷服八蠻
上之回歸明光千萬年樂無疆

燕歌行一首

秋山搖落秋夜長皋蘭寂寞被凝霜中夜起裸
明月光蟋蟀蟋蟀鳴我房良人遠遊在他方道
路一望阻且長聞君有期歸故鄉為君旭日修
新粧鏘鏘珮環曳鳴璫盈盈移步來中堂望君
不見心彷徨不覺淚下霑衣裳忽見雲間雙鳳
皇長天萬里同飛翔安得羽翼同頡頏延頸悲
鳴到君傍

出塞曲

壯士懷慷慨高義貫長虹甘心報國雙言自矢忘

厥躬遠望邊塵起萬里揚悲風拔劍出門去驅
馳遠從戎昔為千人英今為萬夫雄單于來接
戰殺氣衝蒼穹黃塵不可見白日忽以蒙一戰
鴈塞清再戰龍庭空歸來報天子獻捷甘泉宮
長相思

涼颼起高閣凝露被華滋庭前有玉樹冉冉寒
風吹搖落愴中懷芬芳雜獨持嗟彼陰陽速嘆
此顏英衰攬衣起太息惆悵令心悲君心妾不
見妾心君詎知尺書不我將何以慰別離俯瞻

清川流仰視白日馳願隨白日景照君見先儀

孤鳳篇

紫庭有朱鳳羽翩翩何翩翩朝游華山雲暮宿蒼
梧烟一朝失其皇嗟哉相棄捐彷徨四海求何
當待來旋采采琅玕實頤影徒遷延豈無鴻鵠
牽而非情所憐悲鳴入未霄翱翔不計年

鳳笙曲

翠管參差明月弄高臺忽起雙飛鳳彩雲縹緲
華山洞華山洞華山碣朝同出暮同歸

龍笛曲

高樓縹緲流玉音梅花零落寒江深江中隱隱
雙龍吟雙龍吟吟未已朝霞紅暮霞紫

採蓮曲

紅粧翠袖歌採蓮三三兩兩聞嬋娟欲行不行
落金鈿落金鈿垂玉指發青蘋照綠水

遊女曲

翠鬢玉珮遊春風百花拂袖來湖東朱顏灼灼
驚飛鴻驚飛鴻耀明月人不見心如結

趙瑟曲

邯鄲美女顏似玉翠袖朱絃理新曲寒月泠泠
江水綠江水綠江雲停誰為此湘妃靈

秦箏曲

翩翩羅襪明珠光抱得秦聲上高坐調絃促柱
移清商移清商翻翠袖盞盞斟曲曲奏

關山月

良人一別妾長劍遠從戎涕淚青樓裏音書紫
塞東關河秋色動機杼月華空亦有寒衣在年

年望北鴻

出塞

青海傳烽燧黃沙入鼓鞞
單于屯塞北大將出
遼西落日胡笳慘悲風
漠馬迷燕山有奇石勒
筆待君題

寄遠曲

秦塞君投筆章臺妾倚闌
鴈書何寂寞龍劍有
銀雉烽燧春葉暮琵琶
曉淚寒自知容色落不
忍對花看

其二

青海風烟迴黃沙
信息稀徘徊空夜月
顛賴任春衣漢將頻營壘
胡兵未解圍近來常涕淚
不獨為君揮

自君之出矣

自君之出矣幾度寄春衣
春色年年老良人歸
不歸

江南曲四首

瑟瑟江上風密密
山前雨風雨莫少停留得
郎

舟住

其二

春江君自去春闈儂自愁儂心似江水日夜伴
卽舟

其三

綠窓春鳥聲思君淚如兩人未淚不收却道思
家苦

其四

歡比堤上絮如泥亦如雪儂比鏡中花可見不

可折

寄衣曲

征人夜度遼寒衣今去洛妾恐如寒衣春來不
堪著

採蓮曲

蓮花比妾貌妾貌花不如蓮子比妾心妾心應
更苦

清夜曲

明月期故人相對坐清夜濯纓綠水前散髮青

松下

水中月四首

嫦娥三五夜玉露千萬秋
久居天上苦暫向水中遊

其二

孃孃青山雲湛湛清江水中天
落玉鈎魚龍驚不止

其三

雲歛波還淨雲開影自隨
綠萍與青荇相傍桂

花枝

其四

南山亦有羅虬山亦有羅玉兔
滄波裏羅兮柰爾何

江上曲

青波遠泛舟碧石朝逢雨不見
江上人惟見江上樹

江南弄

簾櫳上夜珠闌干倚寒玉
客子在天涯相思春

草綠

江南曲

客去悲江左書來滯隴西相思若春草無路不
萋萋

春閨曲

華枕為誰施華衾為誰卷妾腸非道路日夜車
輪轉

賣花曲

長安買花者數株千萬錢道傍有饑人一錢不

相捐

子夜吳歌七解贈李順德于鱗

于鱗上計上都余以職事直省中凡再易
朔不得通一語輒為之賦詩命侍子歌之
以通其恨恨焉

出門望所歡零雪忽盈尺豈曰沾吾衣畏此雪
上跡一解

與君生別離三年參與商誰謂三年久不如茲
夜長二解

夜半倚梧桐明月何歷歷梧子在其上可見不
可摘 三解

芳草五驂駟熠熠朝元者不分黃金鞭出入依
君馬 四解

自幼能采蓮蘭楫蕩前渚如何蓮子心于今更
覺苦 五解

聞君有瑤琴來自崑崙域雖未聽其聲時時白
雲色 六解

自與君相別剪刀日夜利君有雲錦裳吾當為

君製 七解

古調歌 凡十四首

池上歌二首寄諸子

芙蓉搖落兮驚素秋簫鼓殷殷兮泛中流瞻彼
滄洲兮狎白鷗美人不見兮使我愁安得與美
人相逢兮採萱草以忘憂

蘼蕪蒼蒼兮露為霜秋風颯颯兮明月光四顧
天地兮何微茫美人不見兮使心傷安得與美
人相將兮折桂枝以徜徉

今夕歌

今夕何夕兮星稀月明今夕何夕兮得與美人
同行蟋蟀在床兮淒淒則鳴江水浩蕩兮泠泠
其聲何接美人之態動兮乃使我惆悵而愴情
今夕何夕兮露下庭荷今夕何夕兮得與美人
同歌山有木兮木有柯水有鳥兮鳥有羅何接
美人之慷慨兮乃使我淚下而滂沱
今夕何夕兮日居月諸今夕何夕兮得與美人
同車前有溪兮溪有魚後有園兮園有蔬何接

美人之瓊環兮乃使我氣結而歎歎

今夕何夕兮飛鳥鳴禽今夕何夕兮得與美人
同斟奉清醴兮彈素琴薦上珍兮揚華音何接
美人之周旋兮乃使我情結而霑襟

招隱詞

歸來乎山中他鄉莫久滯若莫慮無衣山中有
羅薜一解

歸來乎山中他鄉莫久繫若豈慮無舟山中有
蘭桂二解

歸來乎山中他鄉莫久延君豈慮無飲山中有
甘泉三解

歸來乎山中他鄉莫久羈君豈慮無殮山中有
紫芝四解

白頭吟

君從何處來遺我明月珠明珠亦何為可以照
光儀光儀君不顧照之令心悲一解

君從何處來遺我綠綺琴琴聲亦何為可以揚
芳音芳音君不聽彈之傷我心二解

君從何處來遺我紫鸞笙鸞笙亦何為可以揚
清聲清聲君不聆吹之感我情三解

車遥遥篇

車遥遥兮馬駸駸送君行兮河之陰望而不見
兮傷我心車遥遥兮馬蕭蕭送君行兮河之橋
望而不見兮俾魂消車遥遥兮馬翩翩送君行
兮山之巔望而不見兮涕留連車遥遥兮馬駢
駢送君行兮江之磯望而不見兮淚沾衣

宗子相集卷之二

廣陵宗 臣著

武昌吳國倫校

詩部

五言古詩 凡二十六首

省中

鳴珮下紫霄
崑崙府中趨
冠蓋燦以繁
羣吏肅前隅
晨風振遠楹
宿鳥鳴高梧
起步忽不愜
嘆此中懷孤揚
稚草太玄相
如奏子虛執
戟亦云

晚遊梁意何迂西京有七貴黃金步天衢朝權
挾車馬夕燕絲笙罕富貴詎可常為樂亦須臾
嗟彼榮華觀耽此寂寞塗取舍一何戾志各有
所須烈士多苦心斯言良不誣

秋夜省直

驅馬叩高扃秉燭照清池冉冉見芙蓉白露被
華滋仰見明月光三星燦以垂蟋蟀鳴重階繁
聲一何悲感之長嘆息嗟此陰陽移鹿鳴思野
草宿鳥懷故枝人生貴適志羈栖亦何為行行

返舊服去去清

江湄此意良未申空令達士吟

雜詩二首

結髮事明主忠義諒獨持出門遠睚望荆棘生
路岐路岐阻且深惆悵何所之心中既不回累
危何足辭不暇恤其躬安能顧所私譬彼東流
川九折常如茲昔為志士模今為壯士規寸心
明白日比德于園葵

其二

灼灼園中葵結根高樹林綠葉雜紫芬芳華入

兩欽白日豈不照高林蔽其陰中懷抱赤素誰
為見予心予心何足惜惜此日西頹白日如可
待高林有時摧

擬古二首

冉冉江上蘭粲粲江中並我友遠行役駕言適
江汜江汜波浪深嘆息從中起昔別春卉敷今
思暮飊紫遊子不放歸浮雲日千里

其二

驅車事行游崑畔且一芳草芳草綠以萋採之遺

可好徘徊歲云晏忽然傷我抱不畏芳草歌畏
此關山道關山阻且長客子行將老

歲暮

歲事聿已暮百卉何摧殘驅車臨長河悲颿激
飛湍欲濟無方舟行路一何難陶潛恥折腰貢
禹彈其冠出處各有性焉能違所安不見飡霞
子飄飄青雲端

五子詩

謝山人榛

謝生隱者流，偃蹇來京國。朝遊燕山東，暮遊燕
山北。悲歌慨以慷，驚飆奮孤翼。興詞日百篇，一
一作者則嗟彼雕蟲子，不得施顏色。韋褐以掩
形，藜藿不充食。榮華燁人世，匪其心所惑。盧生
罹世網，採之一何力。李能脫其患，言者長嘆息。
非若素高踪，斯義久荆棘。

李郎中攀龍

大雅久寂寥，作者徒縱橫。之子起海嶽，吾道維
其盟。中心寡所諧，長揖謝羣英。眷言二三子，斗
酒懽相迎。冥思何可測，竒語頗自驚。仰並雲霞
翔，俯與江河傾。高實墜白日，非若誰與攀。瑶篇
一以出，紛紛失時名。譬彼韶護奏，岳音空爾鳴。
功名亦垂世，無乃非其情。

徐比部中行

偉哉麟鳳才，婉彼蘭蕙質。含英誰獨持，芳葉耀
朝日。策馬入金閨，聲名從此溢。冠蓋豈不榮，而
獨耽著述。結藻何翩翩，札札弄細帙。駕言發藝
林，彷徨求侶匹。隻言不中諧，悵望如有失。燦爛

繁星垂名篇諒非一律呂聞淒鏘譬彼清廟瑟
詞賦千載謀斯人已入室

梁比部有譽

瞻彼殫霞子萬里來羅浮結束長安陌聊以寄
薄遊中懷既不開兀坐生羈愁俛仰一世間局
促何所求鬱鬱遂成篇燦燦雲霞流凌厲起高
唱作者徒必思人生易奮忽馬得無深謀黃庭
一以悟萬事良蜉蝣恢衣馭天風長逝不可留

王比部世貞

天地亦寥寥斯人懷苦心弱冠厲高羽翩翩
藝林玄構入出恥龍波浚其深拂鬱神氣動萬
象俱蕭森閉門一停思白日常陰陰堆視百代
間豈復論古今高歌以慷慨顧盼酬知音不測
心肝之世人空追尋富貴亦云樂而非情所欽

簡吳明卿舍人

岳岳京洛間天門儼九重中有纓弁客翼翼從
飛龍朝聽垆里竿夕聽南鄰鐘嗟哉楊馬卜斯
人不見容偃蹇以薄遊朝餐夕不供抽翰燦春

草揚藻凌高峯昔為一時重今為萬世宗作者
豈無傳誰能攫其鋒寄謝同心人斯理諒可從
寄江鄉舊好

故人渺天末江湖阻書告忽接瓊瑤音綿綿東
遠道言採畹上蘭用以遠相報豈無他物貽將
投君所好

楊氏園亭餞別謝榛

名園開綺酌芳榭停軒車飛蓋凌青雲冉冉振
辛裾尊酒以斟酌豐饌來中厨秦箏奏我芻吳

謂慄不舒借問遠行子離思竟何如倦此燕山
遊去彼漳河居南北各萬里佇望沾裳衣

留別小洛諸游二首

與君結交心世人非所窺如何金石謀忽忽生
別離嬾娛不可再沉思令心悲君還處金閨予
將天一涯江湖渺浩蕩會面茫無期行人從此
去彷徨亦何為君其愛玉體慰我長渴饑

其二

天風西埗來蕭蕭動高樓搖落愴中懷何以慰

離憂念我平生親涕淚不能收豈不懷往路為
君暫淹留執手對長河情思良以以願言俱努
力千載崇良謀

還至別業五首

游子倦行役歲暮返舊疆舊疆鬱壘壘觀者嗟
道旁入門見所親涕下各霑裳束髮去家園骨
肉參以商山川阻以邈一別永相望何晤今茲
夕還復登高堂兄弟敕中厨堂上羅酒漿酒中
阿母言見汝重傷惶汝今幸來歸汝父在何方

吳謂慘不舒

謂作歌

並列樂以記游二首

並列京官諸朋好三首詩二

聞之益傾涕四座莫不盾

其二

父老聞我旋走書來相存長者纏裘裳少者奉
衣巾盤飧多豐膳絡繹在吾門倉皇出肅客俱
我平生親長揖失次茅各各叙寒溫坐榻豈相
勞行路多風塵如何客子顏反若生陽春自汝
遠行游鄉園誰具陳豺虎滿路衢白日愁行人
朝餐藜與藿夕卧無安衾饑寒且不保骨肉含
苦辛

其三

結髮游藝林翩翩二三子問我返由廬亦復來
相視峩峩切雲冠蹒蹒東郭履入門將我衣嘆
息傷情理長跼前謝客故人心乃爾昔者遠行
邁思必三千里寒暑忽以流眷念棄與梓况我
同心者愴悽何能已客請勿復嘆主人聊唯唯
堂上列白酒堂下薦嘉鯉今日樂且樂權娛後
此始

其四

問

我返由廬

問我返由廬

其三

驅車出郭門遠望陌與阡四顧以徬徨我馬忽
不前別家僮俯仰所歷何推遷高臺或為池崇
岡或為田墟里千百家蕭條無人烟壯者日以
衰老者長相捐紛紛少年子白馬鳴華鞭旦夕
成老醜短褐不被肩見之感我心淚下如流泉

其五

駕言俯長河行行至南浦荆棘一何深沒我舊
時渡三年滯行旅今日返其素階上蘭蕙花是
我昔所樹搖落蕭艾旁芬香日以故洲渚鬱蒼

蒼瞻彼鷗與鷺行矣事春耕秉耒躬晨霧寄謝
逍遙子與爾諧中路

寄李順德于鱗

聞君出帝關手握五馬符朝發盧龍浦夕息涿
鹿途白玉掛君衣黃金耀君軀志音殊揚揚千
騎為前驅雄聲滿四隅英名照八區觀者擁長
路皆言使君殊使君自有志豈為功名圖一蹙
乃出守悲哉吾道孤

贈王元美二首

慰我中區

中區心

送子上河梁悲風下大荒右領渺大業左顧迷
扶桑振衣千仞巔風塵杳微茫爾獨事遠役駕
言返帝鄉對酒不能飲慷慨情內傷送君日以
遙思君日以長安得凌風翼與子共翱翔

其二

執手重行行步出城南隅飛蓋凌青雲良馬躍
長衢行人不可留中心鬱以紆子如雲中鴻子
如汀際鳧浮沉既異勢羽翼何時俱努力事功
名宏此壯士圖願言俟嘉譽慰我中區區

山中與陸長庚

秋日事行游游此清江湄俯視青鳥翻仰見白
馬馳人生寄一世風塵豈足羈貧賤安其常富
貴令身危浮雲起西北帝鄉不可期甘此茂陵
渴媿彼首陽餓商山有同調行行歌紫芝

得吳明卿書

瞻彼雙飛鴻羽翼何參差哀鳴下前庭素書忽
見貽開函長跪讀一一故人詞相違日已遠猶
能憶吾私忽思疇昔容惆悵使心悲受若雙文
綺報若雙桂枝此物素為貴聊結山中期

懷謝山人茂秦一首

驚颯動四野白露下前除攬衣起四顧悠然懷
所思所思亦何在乃在漳南居朝設穆生醴夕
曳鄒陽裾西園事行游飛蓋列應徐近者日以
親遠者日以疎不念同心人所須在音書音書
不一寄何以慰躊躇

七哀詩為伊氏作

驚颯動高林荆榛迷路岐中有愁思婦哀嘆一

何悲借問悲何為乃為良人思良人一以逝十
載守空帷千載何足言千秋常若斯風波一朝
起骨肉以相疑生者不可拒死者不可追寧使
妾身捐豈使妾行虧痛哭迴白日慘黯黃雲垂
青山一憤絕重泉以為期寄謝朱顏者貪生良
足嗤

夏日池上

朱華蕤清漪庭草淒已綠歲月忽以馳流光傷
局促古人亦有言夜游當秉燭感此傷我心前

花前首重天聚

修以自勗逍遙放情志胡為自躑躅結廬在崇
岡極睡滄浪曲朝游濯吾纓夕游濯吾足自知
非至理聊以從所欲

贈孫子升文學

故人何處來車馬忽東騫別後髮空短花前首
重長送若江上舟徒倚江上樹江闊正風波若
且未可渡

又得明卿書

秋色滿天地悲風動高臺浮雲慘不舒白日忽

已摧遠念客游子鼓楫瀟湘回北顧金馬門東
望滄海隈不念舊所權棄置如塵埃傳我尺素
書抽翰空徘徊歷歷天上榆冉冉庭前梅相思
難重陳嘆息生餘哀

游湖上東高子明徐養浩

伊予好山棲江湖任所適風起萬波驚日落千
山寂悠然命朋好中流移画鷁紫石亂蕪葭明
月散蘆花散髮事逍遙停觴恣採歷山上落梅
花坐中翻玉笛誰共續終子世路任憂戚

雜詩

古來有志士壯心驚自奇仗劍倚天外蕭颯雄
風吹遠望一世間荆棘不可岐不若棄之去身
世交相遺南山可採薇北山可採芝結束向風
塵惜哉爾空為接輿歌哀鳳莊周畏為犧二子
有至意可為達士規

出郊訪黃山人

駕言茲北郊芳草萋已碧晨風叩石門睇此樓
霞客翩翩倚杖迎嗟哉髮何白携手入中洲四

顧感疇昔若著東郭履我著東山屐行採山上
芝坐倚山中石客有一尊酒相藉終日夕歡來
自盡觴若其勿相迫

留別子培舍弟上百

驅車上河梁顧瞻舊鄉國倉卒骨肉親彷彿皇動
顏色子亦竟以南予亦竟以壯本是雙龍居胡
為乖羽翼送子從此睇涕下不能食子其從遠
猷慰我長相憶

相憶在何所乃在河中洲結廬俯曲沼芙蓉夾

清冰飛蓋凌朱霞逍遙事行將白鷺翔我側鷺
鳧戀其儔駕言適遠役嘉會難再留引領內感
傷行行懷百憂

百憂何殷殷坐令盈懷抱况乃歲云暮霜雪被
長道遠望何蕭條驚風摧百草當此別離情況
思令人老歲月不相待所欽在蘭藻雲霄有遐
路致身胡不早垂堂古所戒畏途慎自保

自保良不易致身諒獨難豺虎在人羣平居有
波瀾擲蜀絲四顧終歲甚燕歡君子慎厥趨取

舍後所安艾蕭滿中路涉江多芳蘭不見採蘭者萬古起長嘆

長嘆何終極感此人生累貪賤世所輕富貴俗所忌豈知違者心志各有所寄冠蓋五陵豪莽若朝露墜偃仰一世間慘淡起遐思文章以經國千載無終始去去勿復陳慎此青雲器青雲紛四極不翳明月光高臺一以眺遠思從蒼茫鴻鵠在中澤豈為謀稻梁神哉蛟龍志尺瀆寧終藏丈夫志四海廖廓相翱翔朝遊過崑

菴夕游畧扶桑無學兒女仁白首戀故鄉

故鄉不可望錦江迴且深父踟東西渺無極傷

此遠別心寒風下庭樹宿鳥棲高岑對酒不能

酌為子鳴瑤琴琴聲一何悲淚下誰能任慰此

骨肉懷欵誠惠我音

湖上送徐子與使者

別若金馬門逢君大河陽相看動惆悵涕淚沾

衣裳斗酒且為樂清歌夜未央念子遠行役道

路一何長嚴冬萬木落白露為玄霜搖落愴中

懷起視明月光攜手復行行南北各一方風波
不自保天地遙相望念此傷我心對酒不盡觴
願為雙黃鵠與子共翱翔

渡淮

白日下大川飄飄御方舟波浪濤濤數鼓叢
中流中流振天風魚龍莽沉浮恍惚對混沌須
臾過千舸黃河天上来奔溯不可留萬里起寒
色浮雲黯不收范生思擊楫仲尼嘆乘桴寥寥
千載後北去復此游

數枝香在法第

淮上雜詩三首

攬轡登崇岡車馬何縱橫王侯有第宅長衢耀
飛纓堂上列吳謳堂下鳴秦箏豪華竟何在
今古惟枚生都尉豈足數為郎亦何榮偃仰一
世間長楫傲公卿獨負詞賦才千載垂芳名對
此長大息聊以舒鬱情

其二

寂寞韓侯君奕奕韓侯祠晨風動高林落葉何
紛披侯也未遇時偃蹇何足奇仗劍逢真主百

萬驅熊羆英畧照中原雄心狹四維惜哉壯士
規乃為兒女欺楚漠兮鼎立侯也胡其疑英雄
偶失策萬古有餘悲

其三

世人重結交紛紜騁路衢貴者日以近賤者月
以疎嗟哉漂母心乃與世人殊壯士困風塵誰
為識堆圖况乃饑寒色一飯立相呼一飯何足
言感此心區區千金以相贈華名照四隅何世
無英雄按劍疑投珠瞻彼垂綸者淚下連衣裾

贈黃戶部

主人敬愛客招我清江湄悲風起天末白鷺羽
參差方舟揚素波簫鼓傳山陂中厨出豐膳華
道列芳卮秦箏奮新聲淒淒一河悲歌者歌自
苦知音竟為誰懽樂不可常去去從此辭風塵
愴中懷令德以相期

贈伊文學

故人亦何在乃在青山東山家何寂寥高樹來
天風貂裘日以敝龍刺向其雄下可制巨鰲上

可斷長虹風雲起一朝寧復嗟途窮去去重相
思寄言雙飛鴻

贈施司封三首

涉江見芳草春華被遠岑薄言採其華將以貽
所以顧念客游子分符越江潯江水東南流波
浪阻且深涼颯摧百卉孤芳孰能任置之在懷
袖無令歲寒侵日月忽以遵馨香分至今非君
垂未顧誰能識予心

其二

昔者守南服伊予還舊職沉浮既異勢音告垂
以違袖中有尺素遲彼雙鴻飛雙鴻不可見嘆
息沾裳衣思子忽若渴望子忽若饑豈不負薪
累甘貽伐木譏中心諒無他顧者察其微

其三

清夜良燕會零露下前除堂上羅酒漿堂下薦
嘉魚鳴琴雜清商音響一何舒酒中客起言責
我愚且踈主人前謝客茲夕且懼娛金石昔所
敷蘭芷首所恥中心既以諧豈為而迹拘古來

重结交終始貴不渝垂紳戒朝夕若吉宜重書
牛渚望謝朓青山二首

歲暮遠行役睠此清江湄顧瞻江上峯白雲何
歲蕤伊人昔結宇英詞光陸離歲月不相待高
踪邈何之采采山上蘭煒燁山下芝芳菲未終
夕白露忽已滋江流澆浩浩佳人湄何遲願言
崇遠業千載與子期

其二

與子期何方迺在青山北白石何磷磷照此澄

江水下山擷江華上山尋石髓高風一以逝浮
雲日千里荆棘滿山隅崑洞日凋毀玄夜啼猿
狸白日行豺兕我欲往瀟湘採彼蕙與芷採之
欲遺誰之子不可起恣然傷我心嘆息滿江汜

紫陽山

驅車上崇岡紫陽何崔嵬石壁倚萬丈悲風日
夕來吹彼蘭蕙花馨香莽以摧哲人昔適世結
茅茲鄙隈徵言破萬象精靈遍九坂山鬼夜不
至天門白日開玄風忽已邈流光照高臺不見

松與梓唯見蒿與萊浮雲黯以寂泠泠山泉迴
俯仰長太息千載有餘哀寄謝山中人漱石掃
莓苔他日息吾軫晞髮信悠悠

夜坐一首

燁燁江上蘭冉冉山中桂春風發垂滋堪以結
吾佩如何蕭與艾忽然滿中路徘徊不可問潛
焉空傾涼

江門有懷

辭彼青瑣闥還予紫石磯駕言遠行邁晨曛淒

以微如何金石交一旦阻音徽江山修以邈寸
心詎能違南山亦有蔽北山亦有薇不見夷齊
子嘆息將安歸

宗子相集卷之三

廣陵宗 臣著

武昌吳國倫校

詩部

五言絕句 凡四十七首

送吳山人

黃菊故人杯
青山游子路
匹馬向垂楊
回首燕雲暮

聞鴈憶子培弟

秋雨千峯散寒雲萬里開不知天際鴈幾日故園來

雪山

急雪冥冥至玄雲黯黯垂青山亦易老莫恠髮成絲

聽笛

客有羌中笛十月吹楊柳楊柳不可見春色在
右手

寄陸子

白鷺三洲遠青山萬樹徃相思惟夢到夜夜鳳臺西

贈人之河汾

鳥道下層雲龍門倚積石太平上書者曾是布衣客

送人還江南

行箴新白髮歲月舊青袍又向江門去秋風薜荔高

湖上雜言十三首

明月下大川孤鴻依淺浦不見舟中人但聞舟
中語

秋雲下斷鴻暮雨鳴叢竹湖上一尊酒共酌寒
波綠

風起萬林寒月出千峯白門外蒼松影疑是卧
龍跡

寒颯暗夕林中夜忽以朗晨起開石門雪花大
如掌

得余德甫書

使者自南來投書報江渚把讀滄波上蛟龍作
人語

白紵好裁衣長短與身稱豈無舊所著貴自故
人贈

簡伯章

美人隔江洲咫尺不得渡不畏石上霜但畏草
間露

夜立

秋風天外肅明月江中影幽人把桂枝露下衣

裳冷

寒夜同助甫訪子畏見盆草有感

長安十丈雪寒色滿荆榛唯君三尺地留得故

困春

百卉皆零落如何爾獨存豈無冰雪苦一意遲

王孫

席上送朱主客得簫春二字

朔雪尊前亂西風馬上驕胡笳中夜起不似廣

陵簫

朔雪

送朱主客

四首

席上賦詩成三更矣

孤柝那堪夜垂楊不肯春白雲何處至吾欲贈
婦人

張助甫席上同吳峻伯白伯倫再餞朱主

客南還賦得五首 席上賦詩成三更矣

為惜美人去看梅到晚窓明河忽倒地疑已入

滄江

朔雪寒無那胡雲凍不飛海門波浪急莫使近

春衣

君來楚水寒君去燕關暮黃河十丈冰孤槎未

可渡

停杯問明月 明月不能答 相隨下江潭 夜把蒼龍踏

一酌寒仍綠 千峯夜失青 逢君能紫日 摘盡菊門星

臘月十七夜月同吳峻伯助甫席上賦

胡霜日夜驕 吹破薊門月 月色幾時圓 待尔照

春髮 得月字

寒飈蕩月業 桂樹漸無葉 一葉落人間 變作階

寒 飈 蕩 月 業 一 葉 落 人 間 變 作 階

周列有作初

前 苑 得葉字

既喜明月來 復惜明月去 吾欲破青雲 坐尔月行處 得去字

白伯倫儀部移居夜偕助甫司封訪之席

上賦得六韻 席上賦登卷 漏下三鼓矣

客子騎明月 主人開石屋 銀河即爾家 豈待成

都卜

卧若白雲床 讀君紫霞書 桃花亂墜酒 疑是武

陵居

童子摘松枝敲冰煮白石萬里天風來吹作珊瑚赤

夜呼洞庭君明月破三楚開門拾楚雲片片作人語

主人出家醅千酌葡萄紫不問江南人知是江南水

落月頻催酒羣星低送人句中楊柳色不是五陵春

贈吳張二子

自我遣明月終夜照君屋嬋娟未解情只在階前宿

却行四首

連騎出孤城揚鞭一相語楊柳遍春山應從何處去

去去城南路我馬忽以停知爾不行意春原芳草青

不識南溪路借問道傍子荅言從此去菴花隔春水

溪上有雙橋一一龍鱗石白髮倚春風媿尔樵
人色

宗子相集卷之四

廣陵宗 臣著

楚人吳國倫校



詩部

五言律詩 九一百十三首

余德甫吳明卿夜至賦得虛字

羨爾荆高輩 頻年燕市居 庭飛梁苑雪 客憶楚

江漁寂寞思 夕賦蕭條諫 獵書相看千古色 涕

淚滿長裾

送蘇生南歸

短鬢不堪數孤舟何人頻寄書空歲月江固有
絲綸劍在猶于楚書成更上秦敝裘曾季子莫
問下棧人

四月一日于鱗子與元美約南溪之游偶

以事羈悵然有感

不分林塘好偏令爾輩遊花枝晴自動草色暮
堪愁俯仰聊停騎行藏且狎鷗茫然心共折何
處是滄洲

病中答吳明卿見贈

伏枕花頻改登樓月乍圓宦情疎病後世事得
愁先中已金門隱名非白雪傳新詩酬偃蹇三
嘆暮雲前

有寄

憶爾辭燕甸逢人賦楚騷芙蓉千水暮薜荔萬
峯高秋月驚紈扇寒雲落布袍愁心不可問孤
鴈滯江皋

興錢惟重步月下

秋風何處起茲夕倍堪嗟不見碧雲色難禁孤
月華客愁驚蟋蟀鄉思忽蕪葭誰謂天河遠翻
翩漢使槎

歲暮

霜雪不堪暮陰陽莽自過淚偏兒女及情為歲
華多留滯非吾之淒涼柰爾何寸心無可折落
日滿庭柯

送王判

可嘆日為別舊之歲欲殘青袍今作吏白髮已

歲暮

留滯非吾之意

意

新華堂

盈冠鴻鴈千門夕梅花一騎寒風塵好自斐行
路古來難

除夕答謝茂秦徐子與見贈

今夜為誰永清尊只自待歲華明日異旅思故
人知坐待青春色行傳白雪詞梅花空復好愁
絕楚江枝

寄遠曲

秦塞一枚筆章臺日倚關鴈書何寂寞龍劍有
銀難烽燧春華暮琵琶曉淚寒自知容色落不

忍對花看

青海人頻去，黃河信轉稀。徘徊空夜月，顛顛任
春衣。漢將頻營壘，胡兵未解圍。近來常涕淚，豈
獨為君輝。

問元美病

倦遊吾未敢，抱病爾何心。万里蘼蕪色，秋風一
夜深。長嘯殊難得，悲歌直至今。茂陵消渴日，遂
聽白頭吟。

送周先一之海寧

采筆時難見，青氈爾自尊。一官聊日月，雙鬢目
乾坤。雪後西山賦，風前北海尊。因君寄鄉思，好
去過江門。

答素子

別思將春起，鄉心與日催。已經三載別，猶有一
書來。我媿思鱸者，君誠倚馬才。黃金似芳草，又
滿郭生臺。

遠思

歸期不可問，客思坐紛紛。白髮兩鄉隔，青猿何

處聞雲摧蜀道險天逐楚江分尺素看鴻鴈高
秋或一羣

三月

三月忽云暮一年空見春不堪垂柳色似與客
愁新悵淡時名棄迂踈長吏嗔清江有鷗鳥在
爾未歸人

送人

歲暮豈不苦誰思那可銷僮僮燕市酒已犯浙
江朝明月而者滿梅花客路遥豈能因五斗楚

澤負漁樵

于鱗子與元美夜過時元美將有江南之
役矣

今夕復何夕相看又此亭金尊墮明月銀漢倒
繁星吾已甘多病若今幸不醒胡笳中夜起淒
則若為聽

懷碩二丈

客久春如失愁深夜不開眼看鴻雁去書對白
雲裁叢桂迷淮甸長楊識漢才江東秋色好消

息幾時來

寄元美

念爾行搖落，何心堪寂寥。
凌風雙鬢短，畏務一身遥。
薛荔亂江雨，魚龍犯夜潮。
廣陵明月好，曾聽玉人簫。

夜集懷茂秦

聽雨詩仍在，聞尊事已遥。
以予愁劍佩，嘆爾得漁樵。
茲意浮生失，何時客淚消。
淮南行結隱，不待楚詞招。

出郊過陸子和草堂同太史李公文孝顧
大

進艇吾能遠，携尊客許同。
青天開万象，白浪起千鴻。
葭茨細堪數，蘼蕪寒幾荒。
漁歌稍稍起，知在石湖東。

過時寺訪袁三子敬

向客春鴻起，逢僧夜磬前。
慈雲垂大地，慧日暗諸天。
酒至有浮白，吾來獨問玄。
孤亭入微雨，似欲長青蓮。

答周明府

相望一江暮
誰期對月明
青山移病遠
白鴈一書輕
大地看喬易
具戈阻漠纓
秋風散麋鹿
憶爾闔閭城

元美有江上之約未得遽赴悵然有思

亦自悲春暮
居然負所期
金山一柱立
滄海萬波隨
征鴈羣七急
浮雲日日吹
淹留吾有待
吾愛桂花枝

去路惟楊柳
吾衣况薜蘿
如何明月夜
不作片

帆過紫氣星辰動
青天吳楚多尊鱸
秋心好知爾醉漁蓑

小園花開悠然獨酌

避世誠何意
為園信有卜
陰晴三月暮
遠近百花開
春訝林塘遍
時愁風雨束
酒杯吾共汝
日好登臺

有客

豈有沉淪者
頻來問釣磯
青天雙鳥去
白髮一漁歸
忽雨新楓橘
如雲長蕨薇
山花似留客
隨

虞傍人衣

白馬湖泛舟

宛宛春潮入紛紛上客後湖今蕩白馬棹恐碍
遊龍折柳晴相媚携尊日可重君看千水外已
自長芙蓉

青蘿堪作服白鹿逃為羣江樹但沒密溪流曲
更分停杯生桂月梯石起松雲徙倚悲歌去翩
翩向紫氣

吳中兵亂海上徵援感事賦懷因寄元羨

世變忽如此天心那可知蛟螭江欲烈戎馬地
堪支當日銷金甲斯人遂赤眉羣奴把蘆管夜
向闔閭吹

獨吟心欲折南望首頻搔鼓角鯨如立樓船蜃
自高青天飛戰馬赤日引征袍稍喜王開府臨
戎把佩刀

傳檄紛天地徵兵到薜蘿愁來失俯仰書去畏
江河痛哭千村暮橫行萬騎多滄洲狂客在應
悔罷鳴珂

不盡黃塵起重驚未羽馳無書問消息有淚到
瘡痍家國愁無入行歲事可疑浮生同遠近斟
酌向鸕鷀

雨夜沈二丈至

榻有何人下君能此夜過寒蟬吳宮賦哀鳳楚
狂歌雨氣千江入秋聲萬木多明朝寒浦望搖
落有漁叢

人日寄吳明卿舍人

尺素不相寄孤鴻那可聽瀟湘秋水曲何處白

雲停滄海又人日金門自歲星鳳凰池上草應
只為君青

陸長庚夜至

戎馬暗江國君從何處來門驚芳草遍尊到早
梅開雨雪春衣短魚龍夜笛哀中宵撫長劔惜
爾陸雲寸

別袁使君

繫鷁殊方路聽猿故國情關河同淚遠楊柳共
愁生攬轡江雲暮停車嶺月明泠泠雁湖水人

比使若清

席上贈東萊

東風披素髮永日坐寒扉
亂石蘼蕪延殘春薜荔衣
一尊青鳥玄雙的白雲
歸九十猶能賦如君世更稀

即事

詎知烽火色亦到海門東
九市旌旄立千家杼軸空
漁樵新授甲都護驟從戎
寂寞江天上驚看一劍雄

白日頻搔鬢青山一杖藜
星長千騎入風雨萬家迷
有路難舟楫中天急鼓鼙
愁心與芳草江上共萋萋

赤羽遙傳越黃霾近棲吳夷歌
今鼓吹野哭散靡蕪日落江流急
天高海氣孤中原有蕪頗爾輩敢長驅

坐嘆兵機失兼憂國計存干戈在
淮海消息已乾坤授鉞曾諸將宵衣獨

至尊定知哀痛詔早晚下江門

子與明卿元美三子

同心久相失，羈思近何如。
星出窺龍劍，天長阻鴈書。
滿江紛申鼓，落日泣樵漁。
去住情兼苦，奚方定卜居。

寄真州張子

一望隋堤草，孤吟楚岸花。
賦成似班馬，身在只烟霞。
夜月懷湘瑟，秋風進漢槎。
斗間垂氣色，吾欲問張華。

元美訪我百花洲上夜集三首

右來何節鉞，秋到正江湖。
斗室羣星聚，天門二懼孤。
古人窮抱玉，吾道忌收珠。
歲晚魚龍寂，臨流亦可呼。

醉日不得醉，相看獨奈何。
狂心知爾甚，青眼向人多。
帝已移星月，衣猶掛薜蘿。
興來歌楚調，雪色滿江河。

坐對百花落，孤登万里樓。
醉開吳楚色，狂失古今愁。
握手青燈少，淪心白日浮。
相思曾往昔，淚逐大江流。

送山人還吳

問君何處去一騎大湖邊
久客青春暮多愁白髮
先心栽薜荔長劍倚風烟
江上波濤急新詩莫浪傳

秋夜顧二丈來集

少別已殘暑相看失舊容
秋衣下風露夕草亂
笑容世故尊前盡御愁
雨後重徘徊望北斗
月照千峯

得子與書

不分黃塵色秋驚白鴈音
傳書燕塞遠落日焚江深
戎馬乾坤洄駘狼道路心
聞君持漢節松下擬抽簪

簡陸子和

握手朱明過驚心白露溥
江平但馬翼潮落進漁竿
野色藤蕪淨秋声蟋蟀寒
袖思對新月知在異鄉看

中秋遣騎迎沈二丈杜莊

遙憐滄海上獨對白鷗羣
客自殊方到秋看此

夜今凌風私騎遠掃徑一鴻聞明月湖南早若
無待暮雲

中秋無月呈席三諸公

翻々携杖至夢此河中州不見關山月空分天
池秋魚罷潭水黑松桂石門山瑶瑟何人抱相
靈未易求

秋夜同李伯章高子明徐養浩泛湖

高沙迴白鷺遠水到青天掉恐羣星亂孟鷲孤
月圓秋聲來蘼荔夜色深嬋娟玉笛若已沈何

將弄紫烟

聞鴈

一枕何能得長愁至不禁魚龍殘夜笛風雨急
秋砧天入蕭森氣人無去任心湖南有新鴈作
意送悲音

無月

可恠清秋月難看承夜輝蟾蜍高不落烏鵲暗
能飛迷途頻呼燭驚寒驟問衣奉公未應去雲
色漸霏微

後祀山陵二首

閭闔門重啓星辰地一隅
寂寥羣籟動慘淡百靈趨
僉佩當風亂松楸
夕月孤往時神武氣
或恐未荒蕪

石馬鳴何日金鳧起別宮
關山不改色天地自相雄
惆悵若臣禮淒涼歲序同

秦陵千古淚一漲翠葉東

山陵道中四首

處處春雲起相逢上翠微
於榆向人發鴻鴈背

天飛列騎松為蓋羣峯霧作衣
歲華空浩蕩難問故山薇

吾夢天門近何妨日馭斜
愁邊悵燕雀意外避龍蛇
不辨層崖樹難逢三月花
向來胡騎入滿路散悲笳

路迷人屢問石險騎常停
折柳新能綠看山近轉青
峯高天兀兀泉細日泠泠
何處無春色吾今夢地靈

馬遲榆柳逐人指鷺鶴班
羣帝留弓劍千官

蕭佩環風雲回紫塞日月滿青山王氣中天在
朝朝護漢關

過明卿

頻來春騎遠最苦夜杯傳深語江河在雄心日
目前千秋誰自定萬事覽誰先豈係巴渝客常
驕白雪篇

得于鱗書

重來擊筑飲偏憶和歌時明月漳河夕梅花碣
石春愁雜千里破情到戶書真誰不疑斯道若

當慶此身

憶弟

忽覺青春別難堪白日移江山一弟遠鴻鴈尺
書遲湖上又芳草淮南多桂枝池塘尊酒夜知
爾重相思

吳舍人得子

恃我百年意看君一日情人間麟趾少池上鳳
毛生桂叢燕山色珠來合浦明他時弄環語應
令楚妃驚

哭梁公實

當日梁鴻去青山弄紫烟形容疑好在消息是
誰傳鵬鳥何來舍龍蛇或犯年倉皇不可問墮
涕五噫篇

使者春江到傳君隔歲書開函生氣色數字慰
躊躇日月孤吟失河山一病虛皇天深忌汝竟
不免樵漁

徘徊南斗下歷歷少微星一夜因風隕斯人遂
不醒孤雲垂慘淡萬象驟沉冥莫問西樵桂千

秋空復青

羅浮不可望鎮日紫霞封爾把金光草行吟第
一峯驚楓殘薜荔驟雨泣芙蓉恐逐仙人去青
天跨白龍

汝去亦何速人生良自浮蒼梧一灑淚未石萬
峯愁寸或雲霞妬名非劔佩收知無封禪草漠
使不須求

五子中原得千秋僅一麾壯心何處折吾道益
堪悲大海東南去天風日夜吹獨留龍劔在紫

氣斗間垂

長安曾落日為爾抱瑤琴一鼓秋雲白蕭相寒
色深斯人遂不見是物可無音坐憶龍門曲潛
然淚滿襟

少別即成古相逢豈在今黃河難北注白日似
東沉天地冥鴻志文章逐鹿心悲風吹大壑夜
夜助蕭森

漢省空題柱文章早閉關生難看白髮死豈負
青山天註浮雲色茫茫玄不還肯思黃石侶萬

一到人間

浮世誰能免如君獨可哀荒榛滿天地玉樹莠
塵埃裘馬偏窮路江山不盡才更憐擊筑者蕭
索薊門臺

初夏夜同明卿元美遊張氏園亭

塵途忽到此世事頓相違月色輕隨馬松枝乳
拂衣相逢青眼滿並坐綠成圍便作幽棲得何
須問釣磯

倏爾過山雨蕭然對石欄雙衣絺綌薄五月薜

蘿寒高竹翠誰把新松秀可餐笑歌况在耳真
作故園看

夜色亂相射此人那可禁天流孤月白庭落大
槐陰忽起千秋思能空萬里心長吟一汗漫纖
露下衣襟

聞島夷將逼湖州寄懷子與

兵已蒼生苦書仍未羽愁風吹遠海立潮壓太
湖流鼓角天應裂鯨鯢日不收
菴花藏戰馬慎
莫問漁舟

汝更登天目春來似綠林荆榛黃鉞入烽燧白
雲深百戰江山色千家隴畝心當年一七首應
或作龍吟

同余德甫吳明卿王元美再遊張園

為夢林塘好頻從駟馬來僅成三日別復作一
尊開橋憶牽衣草庭思待月梅昔心還鹵莽此
夜重徘徊

不盡山靈僻誰持幽思翻星辰莽相照鳥雀一
何喧竹葉傳金甕松花落石門危峯一長嘯髮

鬚是崑崙

何處陽春調來同此夕歌地能燕市有人得楚
狂多把盞青天墜題詩紫石磨一呼玄颯颯片
語即江河

零露隔金掌長天轉玉繩夜驚羣象遠狂得寸
心憑高樹歌能立危巖暗可登何當謝塵網日
日白雲層

問余德甫病

獨憐青桂侶高卧白雲樓見爾能稱病何人肯

倦遊**星**河雙杵夕風雨七陵秋旦莫歌芝曲商
山不易求

立秋夜明卿元羨來集

塵心不自好歲序莽相催風起千門亂秋隨二
舍來緜衣雲共白紉扇月同開且莫悲搖落吾
慙作賦才

酒至期晨漏風來破夕陰星辰垂戶小蟋蟀語
庭深白眼千年思青天一夜心併隨秋色動四

起蕭森

荅明卿給事

世事憑誰問，浮生得爾同。
有心俱欲折，無路不歸窮。
戰伐乾坤色，安危將相功。
君看鳴玉者，芝焚日華東。

蕭然髮鬢短，莽矣百憂新。
白雪孤調客，黃金巧識人。
道無妨積羽，心或急批鱗。
遂恐風塵色，難圖夢薛身。

聞子培下茅寄之

憐汝不得意，上書今又向秋風。
江色暮愁見菊

花開抱玉時，堪冶投珠夜。
更哀荆門者，白鴈冒否故園束。

九月驟寒二首

頗恠雷仍起，還驚雪年飛。
陰陽曾世變，順逆總天威。
白馬絡傳檄，黃龍正合圍。
北風休更急，漠卉夜無衣。

搖落一何甚，西風起大荒。
黃霾吹欲立，白鴈急分行。
倚檻深看雨，懸燈數問觴。
流離滿天地，茲夜不堪長。

雪夜訪明卿病時有他客因簡元美

伏枕寒仍立傳盃深可停雪次天地白山掩薜
蘿青耳目予今病浮沉爾昨醒客言能鼓瑟或
恐是湘靈

夜色流燕樹寒霾失薊門予雜歌白雪爾豈妬
青尊日月憑雙眼軋坤阻片言坐東心萬里忽
欲問崑崙

九日

九日吾家會遙憐骨肉歡一身懷摘乍羣弟池

莫雜蜀道向人險楚江今更寒白雲空蒞苒可
得故園看

秋風

秋風吹萬里一夜過扶桑落葉碎雜掃孤鴻高
自翔登樓來朔雨倚劍下胡霜問道榆關使飛
書入建章

東皋隱居為子與尊人賦

一迳斜臨水長汀曲挹沙古來鴻鵠侶雪上白
雲家種橘開新溜尋芝數落霞武陵溪不遠石

壁有菴花

天日三千尺高樓第一峯
瀑來飛萬馬石削起
雙龍白日江華細朱霞
海色封行歌秋更好散
髮弄芙蓉

亦抱杞人念其如茗水
出手携青玉杖坐老白
蘋洲萬象秋如滴牽峯日
亂流太湖三百頃處
處不驚鷗

得子與離家消息

使者跋湖千千山已歲寒
漁樵心總負烽火鬢

應殘青雀凌風上黃河
落木看船棗須早御朔
雪滿長安

簡陳使君

父老書頰至瘡痍嘆朱醒
長懷閩日白誰照楚
山青野兕稍離室河魚更
入庭怨歌滿天地不
遣使君聽

同明卿子與送別于鱗元美席上得六字

春色何堪問開尊是別筵
中原送二子北斗散
高天薊日愁難緩吳歌
泪與傳千山系馬首那

忍逐揚鞭

得元美書

使者春何住吾徒日轉孤屢書心盡折一字眼
堪枯未測皇天意其如壯士圖自知寒色甚不
敢怨明珠

既賦金山篇寄子與復系之此詩

寄尔金山賦登山莫自歌恐驚明月玄其柰白
雲何夜棹鯨波急秋衣蜃氣多憑誰慰搖落滿
目是山河

送宗四王相南歸

如何避世者對此薊門烟跡豈漁樵隱名將鹿
豕全紫霞隨意好明月向人圓不得後君玄羈
愁倍可憐

發京

十載侍青鎖殘春出薊門浮沉原宦計遠近總
君恩芳草愁邊綠燕花淚共繁孤心似列宿常
傷太微垣

長庚純一舜隆既別憶之

一別不自意茫然空復愁孤舟仍盜賊多病已
春秋明月一江遠故人何處樓風塵雙淚眼為
我寄滄洲

渡江得子與書

亦有華陽在誰曾汗漫遊書傳天目兩客到秣
陵秋江遠芙蓉細山寒蟋蟀出此懷吾不淺直
欲醉丹丘

江上聞明卿量移南康二首

復得南康信匡庐遂爾狂詩仍長官罵名或簿

書強暮雨湘潭近秋風楚塞長江流如可返為
我到潯陽

西望楚天碧茫然空暮霞寸心隔江海雙淚漸
薰葭白鹿誰為客春山爾即家武陵溪尚在不
必種菘花

燕子磯

解珮掛蘿薜翩、凌紫氣乾坤雙眼尽南北一
江紅麋鹿散秋草牛磯下夕雲瑤華如可拾即
此好遺君

宗子相集卷之四

宗子相集卷之五

廣陵宗 臣著

武昌吳國倫校

詩部

五言排律 凡十六首

樓中間望家君報已赴蜀矣悵然有賦

登高心易折望遠思難窮萬柳風新碧千花雨
較紅亂山吹夕燧絕壁墮晴虹蜀道西南入荆
門灑瀨通獨將華髮意長嘆錦江中早晚音書

到關心碣石鴻

傷春二首

歲華何在萸芳草又參差雲斷關河色烽連楊柳枝羽書千里急鼓角萬山悲紫陌紛紛相問黃塵失所之羯胡頻聚散大將總安危多以關心事空將涕泗垂

野濶時仍鳥山寒畫不花最憐簪冕客何事管絃家馳馬去朝日登樓起暮霞青門懸萬里白髮阻三巴天地方戎服江湖况使槎獨將留滯

色惆悵對春華

同茂秦于鱗南溪泛舟

昔賢悲曲水今日俯長河路險難車馬橋荒先薜蘿亂青來澗草新綠散渠荷千嶂尊中落孤槎天上過雲留仙客履日落野漁蓑風雨蕭然至吾如幽思何

病中二首

浮世豈非昔長愁悲至今風塵游子病藥草故人心白日銷危坐青山入苦吟簾窺新竹細臺

惜落花深畏路甘名隱浮生肯陸沉獨將酬主
念久矣負投簪

茂陵消渴夜溪圃倦遊年日月愁中惜形骸病
後憐鄉心時萬折客淚晚雙懸人老猶西蜀春
歸尚吐燕音書嗟白鴈歲序恹玄蟬獨抱無窮
事徘徊玉漏前

賦得邊馬有歸心

萬騎來青海三軍赴紫荊浮雲朝出塞細柳夜
歸營漢劍繁星墜胡笳落月驚千金投筆吏百

戰棄繻生駭骨淒烽火雄心老甲兵長堤遍芳
草何處識咸京

病中茂秦見過

兩月文園病千門落葉聲客能携杖至誰復倒
衣迎日月朱顏失行葢短髮生芙蓉消渴採蟋
蟀向愁鳴几上分芝朮江間憶杜蘅青編妨吏
事白雪損時名久卧知朋好何寸谷

聖明未應滄海路終負野鷗盟

送王中丞巡撫山東

聖主開皇極明公翊帝謨朱衣持節苦紫詔錫
恩殊涕淚思酬國艱難在備胡兵戈千嶺急保
障一身孤豹畧雄三輔鴻聲照八區燕幽方整
轡齊魯復長驅海外寧干羽天邊望斗樞還看
麟閣上早晚列新圖

喜兩劉沈許李四丈偕集

千家迷曉日萬壑下秋陰地迴浮雲直亭高驟
雨侵羣鷗寒自立一水坐能深波動魚龍氣天
派鴻鴈音榮枯芳草色憂喜故園心長嘯無賓

主高談失古今開尊憐阮籍作賦見陳琳豈作
商霖望聊為梁父吟

趙山人再訪溪南

思鱸來釣者題鳳向山家樓入千村樹池開六
月花停杯玄黃鳥掃石散朱霞白髮便出事青
袍駐歲華病惟求杞菊語必及棗麻江水秋方
開還期泛夕槎

通州顧子頤我山中臨別成篇

相思曾漠苑相見此江城楊柳春山細蘼蕪夜

雨生鳳題今日字龍卧昔人名世事孤心在霜
華兩鬢驚銀危吾抱病流落尔何情作賦看霞
墜開尊坐月明雙鴻睥睨暮尺牘廣陵行莫忘
滄浪水紅塵泐客纓

出郊頻繫艇築室遠依山樵者千林下人家一
水間崑花春更碧渚草夕仍斑汝謂長逝世吾
將共閉關豈乘肯霍去何意白雲還惆悵當年
語丹書次第刪

同何侍御遊大雲寺十二韻 寺在清源

出郊頻繫艇

此篇題了訪陸長庚不過

驄騎中原下招提絕域邊黃金原布地青石正
叅天法有玄猿听經知白馬傳慈雲千嶺合慧
日万家懸樹結空中果池開定後蓮晨鐘飄積
雪夕梵度輕烟羣鳥頻窺偈雙龍欲護禪陰陽
移茨砌今古任桑田岱色東無盡河流西可憐
問君逃苦海何似賦甘泉

省中夜直

紫薇朝散署玉珮夜分曹明月天河白晴雲漢
闕高世途趨水火兵氣散蓬蒿流血滄江滿燃

眉未縣勞誰人甘馬草諸將豈罷韜嗟爾平夷
畧空子賦楚騷

秋夜高伯宗徐汝思李伯承汪正叔張子
畏况吉夫來集賦得難字

羣公何處至鳴珮各珊珊繫馬秋雲落張燈夕
吹殘賓筵惟首宿客贈有琅玕月照千門白星
垂九塞塞雙鴻迷碣后斗酒自邯鄲蟋蟀尊前
度芙蓉句裏看吏情同去住世路異悲歡他日
思瑶草乾坤此會難
卷之丑

宗子相集卷之六

廣陵宗 臣著

武昌吳國倫校

詩部

七言古詩 九二十九首

明卿夜過各賦長句

胡颯亂捲星如雨予歸淮南君去楚明月浸冷
廣陵船綠蘋愁絕瀟湘渚尺書在袖數鴈鴻羨
人中夜怨砧杵乾坤日遠欲問誰聞闔天高重

遇汝萬片龍鱗江上來一尊直取明河煮醉來
高卧北斗旁無數松蘿月下語

二華篇 有序

嘉靖丙辰九月濟南李攀龍由順德守擢
為陝西提學副使余為之賦二華之篇夫
二華西北巨鎮也迺秦地大震山缺河
溢壤廬仆人二千里入烟袋絕則二華之
故乎右姓矣即二華若何辭

我聞西極之精忽墮地化為巨石如天長孤根

倒挿黃河底奇峯直聳天門旁天門牛女不敢
渡斗域羲龍那得翔上帝聞之惡其疆擘為二
華遙相望大者在西小者東千崖萬嶺盤晴虹
東來不得數秦岱西去那復誇崆峒中有紫髯
白鬚三五公手持絲玉披笑容有時踏天跨白
鹿鎮日鞭石揮青龍零露不斷仙人掌古雪常
吹玉女峯忽見悲風萬里來蒼螭赤蛟河堆玃
金鱗乍開似飛電怒角並聞如奔雷驚沙飄忽
天柱動狂飈迅急坤軸摧玉女散髮亂峽走仙

人未脚滄海回地顛山愁千萬里奇峯片片下
沉水黃河直上峯頭坐千門萬戶遊赤鯉廣廈
高宮尽成土白日不聞父老哭青天唯見魍魎
舞二舞二華誰能主我聞李侯佩玄珠截日飛
霜天下無侯今曜馬函關去豐隆招搖為前驅
千峯明月亂相逐萬里白雲驚且呼侯之往矣
何為乎為我停車華山隅手挈蛟螭山下趨仗
劍一一數其華山之摧者叱其立黃河在手如
持盃山上笑容色不枯仙人玉女復來吹玉笙

侯也與之長相須千秋萬載同歡娛侯向二華
去聽子二華歌二華未到歌先闕石走龍吟僕
柰何

春日妣園同德甫明卿元美讌集分賦下
字

帝遣春風來薊門吹作靡蕪綠遍野我本商山
采薇客遇爾瀟湘佩蘭者鞭龍直上碣石宮披
雲高卧崑崙下袖裏瑤華寒不開洞口新松翠
可把一酌滄江破几蕊片語青山墮杯竿君不

見長安意氣五陵豪
咲殺文園病司馬

秋塞曲

塞雲垂天胡草肥
胡兒牧馬向金微
赤城刀斗日夜急
黃沙羽檄縱橫飛
漠皇立下明光詔
將軍起披金鐵衣
熊羆百萬夜出塞
騾騎尋常策解圍
捷書一日走千里
試問三軍歸未歸

金山篇送徐子與奉使江南

昔日秦王鞭石過東海
大者並立小者卧東風
一夜拔扶桑片石怒走江中坐
千年海若呼不

回一線滄江從此破滄江之水何處來
瀟湘洞庭蒼梧開
驚濤巨浪幾萬里排空拍斗如奔雷
吁嗟此山何雄哉
白日不動天崔嵬
下攬吳越荆楚之秋色
上標鍾山渤海之朝虹
奇峯三百倒懸水
青楓碧樹搖玲瓏
金刹瓊宇不知數
一亂挿馮夷宮
白日滾滾去不穷
明月復爾臨高空
萬頃珊瑚碎江水
鮫人龍女紛然起
以手捉之不可得
嫣然一咲滄江應
惟龍忽上崖頭舞似聽山僧讀禪語
當時赤子探龍珠
夜半空

江驟風雨若今仗節遊三吳渡江先上金山途
江中恠龍遠相避山前明月高自孤妙高亭上
千江秋千江直與天門浮峯頭明月能我留與
知同為汗漫遊

薊門春望

薊門春望春冥冥黃鸝交生啼不醒尊前楊柳
洒人綠江上靡蕪愁自青楚人瑤瑟怨湘雨漠
室漁竿垂客星誰其采藥向滄溟遲我岳前紫
石屏

古劍篇 有序

嘉靖丙辰十月吳郡王世貞由比部郎中
出為山東副使督戎青州其友人廣陵宗
臣解其所佩古劍一口贈之又為之賦古

劍篇

赤堇使者昆吾生碧眼烟、虬髯紫手持雙劍
出長安上有蛟龍缺其齒道上相逢忽相贈恠
雲悲風生席几胡僧為製珊瑚鞘南海琅玕襲
其裏佩之朝夕不離身壯遊燕趙南江汎江上

秋風倚劍行波濤、如山峙長鯨毒螭數千
尺金甲火鬣中流起刺來一一烹其髓鮫人終
夜泣瑜珥走殺山中豹與兕何況人間鹿與豕
自吾佩此二十年處、江山半戎壘明時不得
抱鼓旗腐儒空復談簞盞國讐未報壯士恥永
夜高歌常拊髀劔乎劔乎吾負汝吾今解贈昆
吾生紫豸朱纓乘駮駟青天開府泰山巔落日
飲馬蓬萊沚生乎生乎吾語汝左挾圖書右弓
矢豺狼只在大道傍魍魎豈必深山裏生乎此

劍一在握上天入地任君使嗚呼古來神物有
離合斗間紫氣無終始他日中原倘相遇千古
雌雄各相砥

廬山歌寄贈吳明卿時以黃門謫豫章後
事

南斗日夜敲太白化為五老八萬丈並跨古螭
下九江猛風吹作倚天壁手懸石鏡照天門日
月東西亂相射香炉之峯挿其南星辰燒作珊
瑚赤青天忽墜金芙蓉九十九峰破江碧峰頭

白鹿銜紫雲紫雲片片大如席石梁瀑布天上
來百折寒濤瀉琥珀玉虹双夾孤電翔急雷長
聞銀河坼佛手崑前后鼓高有時擊鼓天烏號
三五仙人驚且起東方先生騎紫螯帝前大醉
麻姑醪復向瑤池竊三姦手把瓊枝雲中翔下
視八荒如秋毫帝也聞之惡其豪一朝謫下廬
山去九華之冠赤霜袍腰間雜佩金錯刀彩霞
捲地飄組練蒼烟控馬排旌旄直上峰頭叫五
老五老却立呼其曹客來餐之白鳳膏醉持龍

角如持螯赤松不敢與之遊黃石不敢與之友
樹杪九江如一線織女袖來綉吾擬東折扶桑
煮天潢白露金壘日五斗西方之慧摘為筍掃
盡閭闔萬古之浮雲攬盡瀟湘萬里之秋色一
一掛之千楊柳我欲白日借羽翰與君遨遊歷
九垓袖中采繩十萬丈直繫廬山入酒杯奇峰
峻嶺收崔嵬白鹿暫卧玄圃臺共醉三萬六千
日池上蟠菴十度開他時倘過廬山側江頭卷
石何有哉

湖上幽棲二章為沈二丈賦

主人結屋楚江曲身披薜荔坐空谷青天雙眼
望鴻鵠春風一夜開石門萬里靡蕪散新綠
白日莽、行山阿北窓踈簟高枕多未日紅塵
將柰何天風忽送千江雨為尔岳頭洗薜蘿

江上送別胡國子北上

建業城南江草碧揚子渡頭江雨白青山雙屐
曉逢君明月孤帆夜催客英雄四十困樵漁於
今謁帝承明廬燕市黃金大如斗袖中但挾寶

生書

送施子之豫章

我聞李白遊江海西愛匡廬東九華九十九峰
江上青五老香爐飛紫霞今君家在九華任時
與仙人數落花一日拂袖起為吏復得廬山對
官衙人生出處貴適意區、冠蓋何足誇唯得
名山共朝暮翠屏錦障天之涯豫章之牘紛如
麻若其理之勿怨嗟只今海中之冠數百萬日
日江門喧鼓笳西望豫章僅千里一朝可以飛

白。卷八 行山阿

作全

浮槎紫微羣貴美容夕君其豫言勿復惜九華
匡廬動顏色

張園同高伯宗諸君餞別朱主客子价得

山字

君握瑤華來天闕天闕夾起振金環掀髯大呼
夾龍走星辰亂落供奉班金莖拔倒仙人掌零
落吹亂玉女鬟手持北斗叫閭闔足踏銀河弄
潺湲河邊白榆不敢數海上青鳥那得聞君乎
胡為忽歸去胡霜日夜彫朱顏唯有明月可贈

君隨去直到江門山江門之山千萬峰春風吹
出百草斑百草那比青桂枝千秋萬載誰能攀
君乎君乎何時還至今方朔遊人間

元美將之青州書來約會已乃徑去悵然
動懷展筆賦此

天風吹落九塞寒使者高標切雲冠夜半騎馬
如跨龍白玉之鞭黃金鞍馬首明珠聲珊珊赤
髯綠眼光走電提戈百萬俱材官忽然紫氣逼
長安聞君已到使君灘望而不見空長嘆朝趨

碣石暮邯鄲何當白日生羽翰尋爾直上青雲
端雲中吹簫弄紫鸞仙人授我金液丹洗之天
河吹波瀾波瀾一洗天河九丈机之后日夜殘
縱有女媧不得完手持明月如弄丸下照人間
千琅玕人間天上長交歡永無離別摧心肝若
不見雙劍精靈千萬丈至今人向斗牛看

湖上行

湖南湖北雲陰、石門曉門千樹林日月雙摧
綠髮短江湖獨與青春深楊柳垂絲為誰結靡

蕪千里傷予心落花流水去不返武陵屯源何
處尋道路只今亂未羽乾坤何處非黃金日暮
聊為楚澤吟慨慷流涕沾衣襟

柰源古城

柰源城頭萬木秋柰源渡口黃河流黃河一去
不復返天風萬里吹人愁荒郊莽蕩走狐兔石
棟曲屈盤龍虬天下英雄曹與劉虎臣矯、何
所謀中原未復壯士去至今精靈耿、光神州
千秋柰花不復放卧龍何處聲啾、秦人到此

不須住野燐夜、吹枯樹

何侍御為予談泰山蓬萊東海之勝令我
飛動輒賦長篇

三年不見金門客走馬相見清源陌自言前上
泰山巔東海蓬萊皆所歷人傳泰山高比天層
崖曲磴路轉窄振衣直上最高頭恍然一嘯天
門白天門東西相對開星斗髣髴落吾額三峰
挿入青雲中巉巖突兀倚天壁漢皇尚留封禪
碑秦人猶剩紀功石蓮花菟花千百峰隱々四

出如列戟迴駕又登蓬萊山蓬萊迺在東海側
東海一去何終窮浩蕩微茫湛空碧仙人共把
珊瑚枝白日觀潮夜觀汝忽然長風振天赤兩
儀不辨海雲黑驚波巨浪排空來恠石奇蟲怒
且激蛟龍奮起不可制神魚掉尾幾千尺左右
大呼東西走令我欲歸不可得廣陵狂客心頗
椎聞此意氣滿胸臆長劔欲摧玉女峰短鈎直
下鮫人宅何時拂袖謝塵世與君散髮步天極
坐看萬古乾坤自開闢

江上行

浮雲歷地烏夜啼
家人聽作天鷄王孫何可
復遠遊江南芳草春萋萋
陶令亦有五柳宅秦
人常憶桃夭暎英雄
偃蹇何不可顏色肯為時
人但看看眼底相違者
誰似江流不肯西

山中夜懷

朔風亂掃江雲飛
山人為予開石扉
一斗胡麻煮未熟
散髮千峰歌采薇
吳江楓落客已遠
楚塞秋深鴻未歸
明月墮地白如水
濕爾岳頭蘿

薜衣

江上訪朱氏

黃雲墮地秋離離
西風搖落千楊枝
白蘋已老暮汀遠
滿目丹楓胡鴈悲
孤舟一夜相思衰
寒江明月吹參差
天未家人猶未歸
江頭解佩欲遺誰

白氏園亭別素戶部

石門斗酒開夕暎
桂花欲開秋薤薤
崑崙片碣棟眼虛
滄溟夕水流尊前
落日千江送蜃氣
高

樓百尺搖寒烟今夜共醉廣陵月明朝又上丹
陽船人生聚散若萍梗相思寄我停雲篇

吳關吟

孤槎昨夜叩吳關天風吹度茱萸灣人生聚散
忽如雨更開斗酒秋雪間山中細草綠秋髮江
上驚波高似山使人對此愁朱顏勸君何事不
早還君不見赤城明月白可掃夜夜仙人吹珮
環况有瑤草可同攀君胡自令雙鬢斑

江上行寄明卿

楊子江頭春雨殘廣陵城外暮潮寒美人不見
空捐珮極浦逢春誰采蘭山中碧草有何意江
上梅花只自看一片孤帆掛泗漢直須尋尔洞
庭灣

湖上遇子與舟中夜酌放歌

射陽湖上逢徐卿揚旌走馬來江城袖中慷慨
出新賦異哉擲地金石鏗海內交將別離久一
一感嘆詢其名為言謝生白髮甚李生慘淡違
世情梁鴻尚滯羅浮南王吳跋扈馳西京西南

忽有二三子世人徃徃傳先聲文章不朽之盛
事肯使此輩相持衡瓦缶紛紜塞天地英雄負
慨何時平徐卿徐卿且莫真與君今夜開金罍
一斗百篇不足數啗啞叱咤雄風生長空日落
波浪黑匣中神劍鏘鏘鳴忽然一躍太湖去天
門日月雙珠明徐卿徐卿未可行東吳戰鬪勤
天兵閭闔擐上賈誼策轅門欲請終軍纓男兒
苟不封侯食萬石區區富貴何足榮不若與尔
西極上訪長庚精扶搖萬里來蓬瀛醉時一酌

滄溟枯衺來一嘯美山傾更須共挽天河水洗
盡紅塵千古清徐卿慎勿忘斯盟嗚呼徐卿慎
勿忘斯盟

貞白祠

莘陽山前貞白祠貞白先生騎赤螭白雲茫茫
去不返天門秋冷雙虹垂吾來山頭尋紫芝紫
芝蕭索令人饑出門白石爛如泥切來好煮青
松枝與君夫粲各五斗千山萬山隨所之

燕子磯

燕子一去滄江濱燕子之磯石磷磷滿江波浪
近愁客永日蛟龍常傍人白雲對酒不知晚高
蘿盈砌今歲春洲邊芳杜還憶楚洞口挑花未
識秦吾將買尔磯頭一片石歲歲孤舟垂釣綸
牛渚歌
采石磯頭問牛渚渚上虬螭作人語賣納歲歲
泛鮫人弄珠夜夜悲龍女太真一去雲離離至
今秋色天門垂我行亦有未卒在明月照君若
不知

新安道中

天風吹落千揚柳晴虹萬丈垂巖首水中亂石
怒且待大者虬螭小蝌蚪六尺榜人双胡髯直
掛孤帆石上走長風破浪勢若舞崑崙碣石繫
兩肘何當駕此去八溟直至蓬萊酌南斗

浙溪曉起

天門不關飛早霜晶、水簾浮日光水面雲華
濕不起魚龍吹沫穿石梁波間石苔綠於髮裊
裊漾之千尺長微風千里湛空碧孤槎疑是來

瀟湘

嚴州山行

處、青山雲萬重山前駐馬春茸、手持芳草
不知晚踏破嚴州千萬峰、頭新月起長笛洞
口流泉隨短筇吾欲金華訪赤松與爾雲外騎
雙龍

湖上行

湖上人家開夕陽湖南漁者歌滄浪薰葭一雨
逐江白楊柳千條秋浦長松迤夜掃遲出客石

門高啓流玄霜天未浮雲莽不止慎勿蔽此明
月元

宗子相集卷之六

宗子相集卷之七

廣陵宗 臣著

武昌吳國倫校

詩部

七言絕句 凡五十五首

送王比部元美使江南四首

薊門秋草萬山青
送尔揚帆下瀚溟
紫氣從今
蔽南斗
何人更識使臣星

千門羽檄正紛紛
搖落西風此送君
匹馬關山

秋色裏胡笳吹斷萬峰雲

北斗天門高自看銀河錯落滿闌干何當折贈
秋江去白露青楓夜夜寒

大江中斷是金山山上瑤華爾獨攀明月天高
秋萬里何人不作弄珠環

塞上歌八首送王侍郎赴薊鎮

司馬頻年西破戎詔書又下九華宮親提萬卒
如風雨一夜來屯紫塞東

塞南塞北盡烽烟胡騎縱橫二十年報道今秋

須遠徙漠庭司馬日行邊

千里關山擁帝京萬村烽火照連營天高玉塞
朝催戰日落黃河夜勅兵

榆關北望陣雲高五月天風吹戰袍共說總戎
王相國十年身佩舊虔刀

揚旌出塞擊樓蘭把劍胡天萬里寒紫氣憑陵
邊月色兩軍驚傷斗牛看

躍馬提戈佩紫貂漠關那數霍嫖姚護軍飛將
龍庭滿縛得名王不敢驕

塞外羣山落日登黃沙縹緲白雲層天連睥睨
盤三輔地坼龍蛇奠七陵
悲風搖落大荒迷白草黃雲散鼓鞞直遣漠南
無隻騎燕然不羨漢臣題

再送王元美二絕

春風千隊簇芙蓉白馬長驅似玉龍
若到榆關歌出塞萬家明月泣胡烽

大行斜歷萬峰但吐天門咫尺迷
爾去高歌逢五馬采虹雙樹石梁西

送葉令之蒲圻

錦水曾傳茂宰名分符又向武昌城
瀟湘春色隨君到千里薜蘿一夜生
停車無限變山青坊草春雲接洞庭
縱有瑤琴若莫鼓萬家風雨怨湘靈

贈余德甫奉使兩浙四首

天風匹馬向西湖明月千家醉白榆
莫上釣臺聽夜笛霜葉吹破客星孤

赤城霞起是天台明月簫聲落早梅
昔日胡麻

君莫問拋花不放石門開
秋雲鳴珮入金葉綠眼仙人掃落花無數石羊
餐古雪知君已到未松家
雁蕩千峰插斗墟采雲終夜護丹書月葉萬片
寒相逐拾得仙人白玉裾

得顧洛陽書却寄

七月垂纓出建章
剡門秋草怨胡霜
相思化作長堤柳
一夕春風遍洛陽

送袁令之夔州

春風二月到瞿塘
白帝城邊春草長
不必拋花溯千樹
他年人亦比沔陽

寄陸長庚

江上茆坐倚石孤
清尊紫菊歲相呼
別來千里看鴻鴈
明月愁心落五湖

得明卿途中書却寄

逐臣西去楚雲長
猶有音書到帝鄉
只訝開函龍氣滿
知君六月過濠梁

酬峻伯

山人十載出山屋手把瑤枝騎白鹿風雷一日
走千里雙龍夜夜愁天目

相逢曲

千騎束來紮雷生西風吹雪滿胡纓將軍且莫
千息澤聞邊軍于未罷兵

題方懋藩邸中小石

仙人鞭石過滄溟片碣千秋落此亭昨夜白龍
驅不去天風吹出武夷青

明月曲同峻伯助肅席上賦

飛來明月掛千林滿地霜茅吹客心故國魚龍
何處卧白雲愁殺楚江深

新春贈李司封子藩

綠玉仙人截海過石梁千尺駕鼉鼉相逢贈我
金光草處處青山愁薜蘿

海南巨浪抱羣星海上愁雲日夜停豈謂芙蓉
春不度短簫吹破萬峰青

夜月懷明卿

逐客音書久不聞天風吹斷楚江雲相思惟有

長安月拾得嬋娟雜寄君

正月十二日夜同助甫過李子藩賦

杯中明月醉屠酥南去晴雲夜可呼聞道五陵歌玉樹家家拾得紫珊瑚

淨子與書寄贈二首時子與駐節句曲

貞白祠前掃赤霞大江明月走晴沙天風吹落陽春曲散作千門楊柳花

寄贈方隱君四首

隱君家在九華山夜夜春風吹佩環雙袖白雲

留不止化為龍氣滿天關

日日騎雲向武夷芙蓉千尺插天池池邊白鹿春無數叱向高岳耕紫芝

山中高卧六十霜青雲為珮霞為裳南溟六月赤虹起羣仙跨之來翱翔

九鯉湖邊黃石家安期之棗大如瓜持來釀作崑崙酒醉殺崑崙萬樹花

峻伯夜過蓮助甫不至各賦嘲之

胡雲片片亂胡霜匹馬東來明月光何處美人

期不至夜深歌舞在平陽

席上留別高伯宗

萬里江花拂石橋孤槎去弄廣陵潮雲中倘遇
崑崙子寄爾秦時碧玉簫

大江南去片帆輕江上浮雲日夜征回首帝鄉
春色遠萬家楊柳為誰生

華陽明月曲同子與賦

月滿空山青不流仙人來贈紫雲裘一尊高卧
藤蘿上醉殺華陽萬里秋

百丈

文
仲
橋

作

百丈銀河叱仲橋看子東度赤城標雲中雙鳳
翩翩下秦女何方弄玉簫

葉陽道中別子與

共持瑤草下天關萬里秋風吹別顏馬上白雲
晴不散知君到處問青山

過采石懷李白八首

閭闔天門夜不關酒星何自謫人間為君五斗
金莖露醉殺江南千萬山

憶君乘月下金陵何處吳山不夜登一曲瀟湘

秋萬里至今疑在白雲層

楚水秋風薜荔高千帆明月大江濤娥眉亭下
美容色猶似當年宮錦袍

夜夜銀河倒不流長虹西掛采雲愁醉來江庑
抱明月驚落天門萬里秋

秋山萬仞落秋潭無限青楓好駐驂君跨長鯨
去不返獨留明月照江南

采石磯頭坐白雲歸來瑤草亂紛紛夜深吹笛
江亭上明月窺人恐是君

西江

匡廬接九峯

望

短筇踏破楚山青日日蒼梧醉洞庭何事淹留

妬孰水千秋風雨怨湘靈

西海匡廬接九峯當年醉色傲烟霞可憐一片

寒江月猶為千峰護落花

聞張山人在蕪湖不得見懷之

采石磯頭秋雨晴蕪湖城外暮潮生美人只在

江波上十里芙蓉愁月明

涇縣望菴花潭

即李白題詩
贈汪倫處

桃花潭水近陵陽潭上春風滿石梁流水不隨

仙宮去秦人何必渡三湘

白雲樵者

赤城花落掃春氛
夜夜仙人弄白雲
雜佩出蘭何處得
洞庭明月問湘君

青霞樵者贈助甫

何處樵人拾古沙
石門風雨閉菴花
相逢為製秋江笠
摘盡峰頭萬片霞

過揚州

湖上行吟落日邊
邗江夜斷荻蘆烟
可憐白舫

青箬者尚有漁歌似昔年

宗子相集卷之七

宗子相集卷之八



廣陵宗 臣著

武昌吳國倫校

詩部

七言律詩 凡一百七首

春日

帝里頻看柳色新
那能金馬坐沉淪
誰家羌笛吹明月
無數梅花落早春
羣盜烽烟時更急
五陵冠蓋日相親
故園歲事滄江上
腸斷孤舟起

釣綸

送人還楚

薊門搖落朔雲秋
爾去千山落日愁
白髮行藏孤劍在
青楓舟楫大江流
楚人昔有懷沙怨
湘水今還鼓瑟留
念我好傳鳴鴈曲
月明應醉庾公樓

省樓春集

朝來鳴珮散長安
漢署千花覆石欄
把酒逢君歌杜鴈
上書有客泣南冠
萬家芳草悲春暮
三

月高松過雨殘
欲寄愁心與白日
關山滿目不勝寒

午日同子鱗子與集公實時值雷雨

薊門芳草逐人來
午日新蒲對酒開
沉陸總為方朔侶
懷沙獨惜楚臣才
人間魍魎雷堪走
海上蛟龍雨不回
夜半浮雲難去汝
更堪仙角鳳城哀

秋日寄表二丈

清秋何處問吾廬
落日他鄉淚滿裾
胡馬頻年

為客計塞鴻八月故人書白蘋江上共誰把紫
蕨山中好自鋤只恐凌雲稱賦者漢家久矣待
相如

送施明府之蕭山

馬上秋風吹客纓送君千里越中行芙蓉落日
憑誰語楊柳寒江非世情羣盜羽書仍吐向頻
年將相議南征白雲茂宰今看汝重問飛鳧向
帝京

二月二首

二月春柔滿鳳城萬家楊柳共愁生烽高紫塞
愁都護詔下甘泉議址行昨日羈縻胡市馬西
風簫瑟漢臣纓瓊衣玉札殊忌澤早把勲勞荅
聖明
聞道元**我**出帝畿即看遠道耀軍威漢金百萬
朝通使胡騎三千夜解圍塞上烽烟何日定山
中麋鹿計全非由來天意高難問徒自燕雲滯
客衣

寄許殿卿

聲名歷下共羊何海岱秋雲幾度過燕市黃金
圖駿少齊人白石飯牛多山中夜賦深風雨醉
後春衣老薜蘿

聖世寸賢俱近幸碧池芳草待鳴珂

寄沈二丈

長髯短鬢近何如湖北湖南定卜居琴裏瀟湘
中散曲池邊風雨右軍書秋來雙迳誰看菊月
月清尊自摘蔬舊日綸竿還好任豈能終負楚
江魚

寄懷子培舍弟

故園春草日依依別後池塘今是非明月江楓
頻憶弟清秋塞鴈一沾衣病多客枕餘芝朮書
雲名一問薜薇聞道滄洲新水濶可憐鷗鷺滿
漁磯

省中齋居貽于鱗子與公實元美四比部

向夕停珂省閣幽吏人猶自進春裘蓬萊雙閣
金莖遠閭闔千門紫氣流明月在天誰命駕日
雲垂戶好登樓明朝獻賦甘泉者漢時秦祠非

昔遊

吳明卿席上有賦

陌上黃金俠者遊
薊門春草暮堪留
一尊破爾青山夢
萬里懷人落日愁
鸚鵡昔悲湘客賦
鸕鷀初典漢臣裘
酒闌忽聽孤笳起
腸斷胡雲出塞秋

望蜀

柔髮蕭然寄一官
于今蜀道更艱難
北來戎馬應看劍
南去尊鱸好掛冠
楊柳豈堪巫峽暮
薜

蘿空對錦江寒
東山舊自饒書札
夜夜燈前拭淚看

送月明府謫教杭州

匹馬天風聽暮笳
南歸尚醉故園花
尺書在袖逢江鴈
萬里揚帆似漢槎
帳下談經餘首肯
湖中對客半薰葭
錢塘歲歲春堪卧
莫憶漁竿及玉華

寄馬明府

秋雲何處寄相思
華髮知君滿面垂
去國秋

陶令醉還家，蕙政漢臣悲。竟無尺素傳，朱鯉或
與仙人種紫芝。一自滄江冬折柳，十年搖落麻
阿期

客舍新遷有賦

如何一別淮南桂，竟日淹留冀北花。九塞烽烟
仍抱病，三年京洛屢移家。人間歲事催鬢鳥，江
上春衣阻未霞。骨肉音書常不斷，白雲依舊是
天涯

寄陸子初

江門一別又秋分，何處風烟不憶君。久客衣裳
鶉自結，舊湘書札鴈為羣。十年世路彫青鬢，三
款斯人卧白雲。羽翼南冥昆相近，未須重勒北
山文

除前錢惟重夜至

朔雪千門擁騎過，西風搖落罷鳴珂。愁邊鴻鴈
中原去，眼匝龍蛇畏路多。關塞豈無胡馬策，江
湖真負楚漁歌。衣裳歲暮吾將換，好與青山長
薜蘿

旅懷

遠塞風高暮角哀，浮雲終日去燕臺。
百年駭骨逢時晚，十月鴻書隔歲來。
錦水即從巫峽出，青山定向薊門開。
獨傷人事多留滯，萬里停雲日綫迴。

寄陸長庚

天涯一自失論文，豈有同心不憶君。
孤客逢秋悲薊草，尺書經歲下江雲。
清時易別烟霞路，明月難隨豚豕羣。
便欲投簪溘海去，兵戈消息不

堪聞

韋氏池亭二首同于鱗子與元美賦

城上春山並騎來，曲池芳草好停盃。
鷓鴣水淨窺人立，燕雀風高逐客回。
客計獨留玄草在，帝京三見紫薇開。
吾將遂擬郊居賦，任尔臨岐候吏催。

重來韋曲解春襦，碣石萊陽望不孤。
萬里天風吹短髮，千家涼雨颯高梧。
青山程負漁樵問，白鳥深知日月徂。
一醉磯邊濯吾足，却疑身世即

江湖

西來

西來秋色滿燕山昨夜平胡使者還白羽書傳
遠亡捷黃金詔賜殿中班竟何處奔屯青海誰
信班生老玉關聞說單于頻出獵相逢馬上看
刀環

送王參軍之橫州

中原落日怨離羣萬里關山路又分亂後誰為
驃騎使征南吾憶伏波軍湘妃斑竹行秋雨帝

奔蒼梧起暮雲銅柱高標猶在眼好將勳業卷
明君

再寄表二丈

高秋搖落薊門城萬里相思對月明人在蘆葭
歌白亭病中風雨望金莖關山尺素時堪寄南
北孤鴻暮不征聞說子雲能獻賦長楊羽獵古
今名

寄懷趙子隆

當日相携十二橋寒江東接廣陵潮青雲客計

龍門策明月誰家鳳女簫久別書來愁鴟鴞故
園秋盡憶蘭若長安新柳黃金色遲爾看花匹
馬驕

春興八首

徃歲含香紫禁東千官環珮散天風茂陵病逐
樵人去淮海春殘桂樹叢宦計雲霄惟敝舄
主息日月在冥鴻簡書使者江亭滿可得相逢
問漢宮

滄洲生事起垂綸蜀使西來淚滿巾萬里書傳

巫峽雨殘時歸摘楚江蘋青猿知在關山聽白
髮應催日夜新人世百年堪俯仰薊門一別五
經春

遙傳塞上又徵兵使者飛書入漢京邊馬不喘
青海戍胡雲常斷玉關綬七陵松檜今開府三
輔河山夜勒營自是羣公能策虜即看赤羽莫
深驚

建業春雲咫尺看雲中宮闈舊長安孝陵只在
鍾山上紫氣遙憑白日寒劍珮千秋還鳳吹關

河四顧自龍蟠至今父老談神武
匹馬傳書定奕丹

石門草色曳春裾愁裏春花滿
舊廬計吏徵求那太急蒼生顛
顛竟何如黃河北注魚龍泣未
壤終年稼穡虛天上近傳優恤
詔可能一夕起
樵漁

中原五子送將歸十二峰頭拾
紫薇別後何人鸚鵡筆書來念
我辟蘿衣卯滿明月行將問鴻
鳴天風高自飛南江北岐途兩
無賴江門烽火照

漁磯

高楊亂石把雕孤有客頻過問
壯圖落日中原停萬騎悲風千里
下三吳臺前糜廩秋相泣海上
鯨鯢夜自呼聞道中丞新授命
急將戎馬抹姑蘇

司馬提兵夜渡河羽林諸將擁
雕戈青山一戰殘鼙鼓落日千
家泣綺羅盜賊似聞能漢語東
南無地不夷歌浮生轉覺江湖
窄難把衣裳任菱荷

寄顧純一時客于揚

自君去矣湖之濱日暮湖南生白蘋江雨千家
任伏枕潭雲百尺堪垂綸書傳孤鴈心明月病
起空山愁暮春拋花流水可避世武陵樵者今
何人

寄袁二丈

九月寒花照客杯故人何處獨登臺霜葉好與
看楓落秋色能堪白鴈催鼓角孤城猶自急于
戈雙眼共誰開知君近有江南賦千古深知庾

信哀

同子與使岩登文游臺上在高郵

何處星槎使者迴孤城寒吹共登臺湖間明月
雙珠出雨後青山萬井開鍊石汝從天日到觀
濤誰更廣陵來越吟楚曲俱搖落江左新驚鼓
角哀

趙山人至

千家垂柳暗江村江上何人到石門倚杖年華
垂素髮登樓雨色滿清尊驟雷似有蛟龍怒落

日愁聞豺虎喧只此漁舟堪結侶未須楚水問
桃源

贈凌子

有客問予青鷺洲當年遇汝蕪城秋一尊樓閣
短簫數十里芙蓉片月留別後素書不相寄袖
中白璧何所收明朝江路嘆游子莫遣霜華盈
散棗

萬里

萬里青楓悲素秋千門風急楚雲添江南涕泪

重城急海上親朋暮角愁西入戰烽迷漠騎王
來漁父失江鷗寄言諸將須深策早把新軍駐
石頭

待元美不至

書來有意問滄波曉起柴門樞舊柯孤楫中流
楊子小白雲西去秣陵多雙龍一別各風雨五
斗相逢今薜蘿寄語湖邊垂釣者好尋蝦菜待
岩過

誰傳消息到湖西欵來不來空杖藜昨日石門

開枹橘早時孤艇散鳧鷺愁入碧草戎戎短候
客青尊夜夜携二十四橋今寂寞未應重為玉
蕭迷

真州

十月孤城鼓角哀悲風樛落此登臺山形西轉
千虹立濤色東驅萬雷開日下白雲鐘阜起江
南紫氣漢陵來臨沭恠尔鮫人語一夜乘潮能
百迴

贈吳子

廣陵城西江可憐廣陵城北草芊芊余看鴻鴈
歌明月尔客崑崙今幾年湖上一尊開橘柚人
間双淚墮嬋娟相逢總是淮南侶莫負秋風桂
樹篇

寄李順德于鱗

憶尔狂歌湘帝京春來紫綬寄專城漠庭詔下
二千石良吏人傳卓魯名日落盧龍寒朔騎風
高逐鹿断胡纓塞帷定有江門思碣石青天是
舊盟

暮春

莫向菴花又問津只今已是武陵人
經旬芝朮還歌枕細雨林塘不住春
一人青山踈故舊十秋素業在沉淪
湖邊似有漁舟路急與秋風長
綠蘋

寄表三子敬

去年握手楚江流一夜新霜擁去舟
人隔蕪葭滄海暮書來風雨白蘋愁
茂陵消渴還稱賦明月聽砧獨倚樓
知尔詞華干氣象于今莫厭瘵

門遊

雨中聞鳥夷消息太劇

一雨滄江起杖藜愁邊芳草正萋
匕天門石裂雙雷下海國烽高萬
象迷百戰蒼生斂室裏頻年赤羽
鳳城西謝安莫負東山望昨日徵
書到會稽

二月五日

今年春事何太遲二月五日寒如
絲細雨忽見芳草色晴雲猶護梅
花枝鼓角長江日夜急羽

書匹馬東西馳天時人事且如此忍向青山歌
紫芝

送太史李公還朝

楚江一月送朱輪江上千家長白蘋宮錦尚留
業桂色仙舟不住廣陵春雲間鷓鴣含香入日
下夔龍佩玉新一自周南歸太史石渠視草更
何人

北去樓船向紫垣長途芳草日開尊漢庭秋問
仙人掌方朔才高金馬門羣盜兵戈無上策蒼

科沈
向秋
雨日

伏
九
高
江
草
色

新華堂

生顛顛滿中原安危將相須公等宵財于今獨
至尊

酬沈二山人

夜夜西風吹客纓江湖只尺有離情問秋伏枕
黃柑盡明月懷人白髮生雨後菜麻頻入只年
采畎畝只談兵亦知忌作漁樵伴未必深山好
避名

顧一丈夜集

江占草坐開夕陽寒波十里即滄浪西湖客到

扁舟雨故國鴻歸昨夜霜一別鬢殘胡馬後兩
秋書隔楚雲長相逢斗酒且沉醉莫問城頭孤
月光

懷公實

梁鴻一跡向樵漁予亦歸來掃敝廬青笠孤舟
空自遠黃金大菓竟何如挂殘淮海秋移病草
碧羅浮夜著書三十六峰明月裏相逢亦有紫
霞裾

席上贈劉一丈

湘日垂蘿青不收何人日日問羣鷗尊前細雨
千峰暮天外明星萬樹流歲月豈能殘楚佩行
箴且莫問吳鉤憐君空抱蒼生策一卧江門四
十秋

早春寄明卿舍人時以使事還楚

湖南湖社春氣鮮渚鷗沙鷺何翩翩梅花千嶂
暮不落芳草雙江寒可憐漠使近持金馬節楚
漁難別洞庭船醉來偃蹇三湘裏更是何人白
雪篇

真州謁文丞相祠

文相祠前楓樹丹真州城外送波瀾千秋不
中原淚此地真成故國看一自燕雲孤騎入至
今龍氣大江寒宮游莫聽胡笳起白日青天處
虜殘

冬至夜高子明陸子和子培舍弟集小館
有感時事

孤夜羣星聚此筵寒梅細石晚相鮮兩儀消息
還長日雙缺追隨自昔年人世歲華空鬢髮江

門戎事正風烟哀時詞客無今古久矣吾悲度
信篇

得元美書

江上孤槎憶送岩薊門消息阻秋分驚風萬里
吹胡鴈錦字千行墜楚雲北極頻頌龍武詔東
吳新挫伏波軍漁樵舊業無須問處處青山泣
紫氣

懷余德甫比部

一別垂楊秋又尔楚才原有豫章聞七陵寒吹

歌明月列署秋衣生白雲病乞薜蘿空復遠日
看麋鹿遂為牽尺書未報燕南使何處聽鴻不
憶君

得方山人書

憶昔同登薊北臺黃金知爾入燕才三秋消息
胡雲斷十月青書楚使來落日中原猶作客扁
舟滄海負停杯青楓莽莽孤鴻暮何處臨高首
重回

予與投書約訪山中賦此以待

聞君遙別薊門遊錦纜牙檣漢使舟昨日喜來
桐柏水西風卧病廣陵秋霜前鴻落驚相問江
上龍歸空復愁昔者淮南招隱後幾人能問桂
枝出

病起

病起蕭然一鷓鴣年年春事庶門看長堤芳草
愁邊綠落日梅花笛裏寒吳使傳書多戰伐楚
人貽佩只椒蘭武陵稍隔滄浪水遲爾秋風把

釣竿

頻年

頻年客淚滿蓬蒿是處生涯半羽旄漢詔北來
戎馬急楚江南去陣雲高北軍歲晚悲蘆角諸
將秋深損戰袍百計艱危若莫問宵衣此口
聖躬勞

表二丈牧訪山館劉一文偕集

湖比湖南落日斜誰來題竹野人家自言海上
多秦石始信河邊有漢槎斗酒共聽今夜雨江
湖曾對十年花別來玄草今何似容易秋風老

歲華

得明卿還京消息却寄

憶爾孤帆落日遙洞庭秋色莽蕭條
湘若贈暮雨高唐楚客驕方朔已歸金馬詔枚
乘空賦廣陵潮悲歌舊侶相逢日何處胡姬醉
紫船

蜀道

蜀道之難自古今豈令華髮獨能任思家多少
玄猿淚解綬緋細未子心秋客舟航巫峽險人

言風雪錦江深坐來萬里誰消息明月關山處
處貼

渡河

孤舟東望淮水濶長空搖落千樹林關塞蕭條
紫極遠魚龍浩蕩黃河深中流羯鼓起退色萬
里天風吹夕陰懷抱鬱鬱復為客白石滄江遠
寸心

舟夜夢頤一丈

呂梁之水青石磯中天寒月何霏微梅花寂寞

有詎賦芳草飄露可不歸江海故人忽入夢
襟白首空霑衣明朝懷袖有尺素安得雙鴻雲
際飛

登景山落霞亭

雪後登山落木繁朱霞獨自出天根奇峰斷石
頭停馬絕壁枯枝亂掛猿桂樹千秋懷舊國浮
雲何處望中原蓬萊東去未為遠吾欲乘風叩
日

搖落青楓此上臺石門雙磴倚崔嵬河流南注

崑崙折龍氣西看芒碭摧十月衣裳寒杵急孤
城睥睨暮笳哀故山麋鹿還誰主楚水淮雲首
重回

同 余德甫王元美夜集明卿宅得何字

長安花落柰春何夜夜春亭載酒過駿去雞逢
燕市骨鳳哀重聽楚狂歌青天短髮垂今古明
月孤如散薜蘿醉後莫言歸騎晚浮雲猶自滿
關河

登天壽山

匹馬千峰曉度關相逢俱是紫宸班

帝宮閭闔開今日天柱華夷見此山萬里鴻歸
滄海路七陵龍護白雲間漢家原廟松楸古夜
夜西風吹珮環

寄贈子培赴試

秣陵佳氣即蓬萊湖上孤帆幾日開謝草常生
康樂賦吳雲重見士龍才鸚鵡新翼江風起鴻
鳴天書秋色來萬里風烟頗極目遲君匹馬郭
生臺

同元美夜集明卿值雨

秋雲此日滿長安那肯相逢不夜關風雨驟隨
雙騎到薜蘿况對一尊寒愁心獨有中原在狹
氣若從北斗看戎馬関山餘涕淚十年空負漢
庭冠

送張肖甫奉命督租閩粵二首

高天落日照中原匹馬凌風出薊門赤羽頻年
荒稼穡蒼生何處問鷄豚七閩風雨王程急百
粵樓船

帝使尊長孺不妨仍矯詔寬租曾識漢庭恩
武夷西望即羅浮南斗雙垂寒不收使者珮環
青桂色山家鐘磬未霞流投鞭滄海龍堪起掃
石天門庶並游知汝未能深結隱乾坤峰燧使
人愁

答明卿齋居見贈

紫微夜燦建章開

聖主親祠太乙迴禁月千門龍馭肅宮雲五色
鳳笙來金莖秋落仙人掌白雪歌殘楚客寸莫

謂汾陰祗獻賦漢皇當日問蓬萊

寄于鱗

請都當年意若何使君猶自滯關河客游五馬
黃金妬書去盧龍白雪多千堞戰烽迷碣石萬
山落木下潯沔建章遲尔朝天者芳草春雲聽
玉珂

送朱邑博之滎陽

當年赤帝困滎陽使者黃金計獨長一自關山
盟白馬千秋楚漢只垂楊君今忽向大河曲懷

古行歌明月光華髮傳經知不恨相如詞賦重
遊梁

寄贈姜使君二首

搖落西風舊紫貂一朝歸去逐山樵郤中旌節
愁相失道上豺狼任自驕三楚白雲停涕淚九
江秋月卧蘭苕北來父老頻相問或有徵書下
聖朝

傲吏當年罷節旄西風卧病廣陵濤空亭獨對
開名酒落日相看贈佩刀彭澤千秋樵迳在匡

廬昨夜客星高尔家最近瀟湘渚莫為時人著
楚騷

送唐叅政之山西

搖落西風舊漢冠當年奏草並琅玕朝辭燕甸
胡霜闊春到龍門翔雪綫行省紫薇羣吏夕嚴
關未燧萬峰寒使君頻擁旌旄出多少瘡痍夾
道看

同諸子夜集德甫

華陽之館雲絲差誰其呂我金屈色出門寒雪

一何白握手明星莽欲垂有客自負鸚鵡筆為
君獨把珊瑚枝相逢今夕且意氣世路風塵安
可期

同子與明卿元美席上賦別于鱗得雲字
使者衣冠凌紫氛五陵春色坐絳紘中原獨洒
薰霞淚落日相逢猿窟羣永夜列星垂藟野西
方千騎亂胡雲太行只尺愁風雨何處晴虹可
贈岩

送王比部之呂梁

南望黃河亦壯哉，
崑崙下急峽千峯。
日夜摧漠署君為，
澹水使徐方人識濟川。
丰登臨莫作觀濤賦，
恐有魚龍處處哀。

席上同明卿送孫子升得春字

二月逢君帝里塵，
一尊且為駐征輪。
長卿白髮誰留趙季子，
黃金人去秦短劍不開閭闔雨。
舟猶及廣陵春，
江門十里垂楊色。
莫把時名負釣綸。

送趙子隆下第南歸

閭闔天高急暮笳，
一尊芳草又天涯。
短衣孤劍且辭國，
駐馬聽鴻日憶家。
淮浦當年曾桂樹，
楚江三月正菖花。
君歸好擬長楊賦，
豈向西風問釣槎。

席上同子與德甫伯倫送別明卿給事赴

謫豫章得書字

席上賦

柳色千門照別裾，
片帆西去是匡廬。
洞中白鹿知誰待，
醉後青雲任尔疎。
落日薰葭三楚客，
高

秋風雨九江書漢庭多少夔龍在獨有文園負
子虛

荅方懋藩見贈

十年裘馬薊門烟一日逢君北斗邊念我遙傳
秋夜曲開函半是白雲篇歲寒蘭芷猶堪結雪
後琅玕倍可憐聞說詞臣俱近幸楊雄何日賦
甘泉

九日陪祀

陵二首

九日山陵木葉丹北來秋色抱長安天開紫極
羣龍起月照蒼梧萬綺寒絕壁正當胡馬路西
風不落漢臣冠青萸黃菊年年事誰擬今後北
斗看

捫蘿直上最高頭萬里蒼茫生客愁白露衣袍
千嶂夕紫微環珮七陵秋月明遠塞知胡遁風
急長楊恐

帝遊天末采雲如有意至今常傷翠華流
和朱主客冬至雪後早朝

茲年茲夕又春陽千騎朝天總建章金馬並搖
蒼佩入銅龍高傍紫微翔斗間雲氣垂鳩鵲池
上星華滿鸚鵡何處詞臣歌白雪知君此曲自

三湘

待元美不至同吳峻伯席上賦

塞上音書胡不傳遲君明月幾嬋娟袖中芳草
寒相負馬首梅花春自憐孤角千家滄海戍故
人雙鬢薊門烟褰帷莫訝星辰亂知我行吟入
斗邊

上巳夜汪正叔宅留別諸君得寒字

三月三日開春盤入門解珮聲珊珊晉人曲水
空芳草焚窻征衣自澤蘭明月萬家沉鼓角銀
河千尺墮闌干酒酣莫遣離歌起渺目江湖風
雨寒

答子興見贈

建章風雨怨春芽卽有梅花雞寄君寄計艱危
辜盜在 上恩流落七閩永古來詞賦悲玄草
亂後江山斷白雲莫羨幔亭霞石曉恐直先駐

伏波軍

扁舟憶爾阻江濤江上憑誰問楚騷石空摧
雙鬢短武夷曾憶片雲高芙蓉歲暮堪垂綬
颺山深有佩刀聞說烽烟今滿眼可能一慰
聖躬勞

亂後得袁二丈書

浮雲望斷滄海邊尺書西來誰與傳眼前盜賊
至今日賦裏江山非昔年清世何人洗具馬孤
城有客愁烽烟紫萸黃菊漫消息秋風欲上湖

東船

與徐養浩湖泛

短笛長簫何處船草堂只在大湖邊蘼葭十里
吹晴雪蘆荻道村生紫烟世路關心羣盜在茂
陵多病一尊前子雲自有長楊賦肯向青山獨
草玄

句曲道中值雨時赴子與之約

垂楊孤騎出江門西望鍾山

帝極尊萬里浮雲摧短劍千峰秋色起中原及

時風雨一何急，入夜蛟龍任自翻。不尔南州徐孺子，華陽三日獨開尊。

少文自昔耽卧遊，徐卿東來何所求。穿雲漱石不知暑，碧草青蘿今始秋。大風欲拔衆山去，驟雨如决千江流。明日峰頭弄笛者，高歌能不生我愁。

積翠亭子與晚酌

華陽風雨晝冥冥，一日登山秋滿亭。洞口高松垂他暗，尊前古壁插天青。千崑積雪照吾酒，萬

片浮雲吹窈窕，醒莫恠烟霞。莽搖落峰頭今夜卧，雙星

與子與登茅山絕頂風雨驟至

並騎華隄踏紫氣，振衣今日謁茅君。石門曲閉仙人掌，天柱高留帝女雲。万里江湖秋不斷，二儀風雨晝誰分。山中瑶草如堪問，吾欲常隨康彖羣。

既別子與憶之

華陽十日醉不醒，華陽一別天冥冥。眼壓烟雲

失万象向来風雨泮千靈捫蘿到處坐石籟走
馬忽然開翠屏江國美人去已遠堆與玩此芳
草青

登觀音山

一上孤峰破大荒吳山楚水共蒼茫雲間棟宇
垂天渚江上鼃鼃吹石梁絕壁畫開風雨色斷
虹秋掛薜蘿長吾將後月尋瑤草黃鵠天風好
兵弼

登俯江亭

帝城秋色逐人來吳楚東南首重回風起大江
龍抱石日高天柱客登臺一尊芳草晴相媚十
里芙蓉秋未開酒罷忽歌湘水曲浮雲何處不
堪哀

過涇訪王九江二首

二十年前讀子虛茂陵今得謁相如歸來日月
頻携酒病起江山更著書四海蒼生憂戰伐中
原高士困樵漁武夷有約休相負歲晚芙蓉日
夜疎

一尊秋色起蕪葭涇水東流走白沙黑髮孤臣
悲去國青雲兩世見通家幾人江上貽芳草九
月山中問桂花安得淮南賦招隱與君終日弄
烟霞

宗子相集卷之八

宗子相集卷之九

廣陵宗 臣著

武昌吳國倫校

文部

序八首

傳二首

贈曾尹序

余讀漢書所稱循吏傳未嘗不投翰而嘆也曰
嗟乎斯不負民哉以今睹于近事則古今何殊

焉興在揚稱困乃數十年稱大困蓋其地東亢
西汙歲一值水旱則耕者委耒坐長蓬蒿顧又
供稅租慘被箠楚於是壞垣負簞携妻子去至
野虛無人於是邑之父老子弟日夜焚香告天
願早得仁人若子來拯茲水火乃曾君以名進
士拜令興則邑父老子弟又輒日夜焚香告天
以為果得仁人若子來拯茲水火也癸丑十月
君至邑父老子弟除道揚旌導君、車至市中
市中人從戶窺君靡不灑然驚喜相頷嘆息曰

誠我君哉誠我君哉蓋自是可安釜鬲矣君則
下令曰吾聞弊不剔則利不興於是收一二慳
猾于法邑人大喜是歲饑吳中丞下檄郡邑賑
郡邑饑人君則下令飭里胥毋得報籍濫名以
要鷄酒又毋得俾村饑人携老幼蒲伏行百里
來城中至益困也於是以身親就諸饑人村舍
中每至村則召諸饑人來前面覈狀有狀者給
之狀甚者厚給之里書聽侍莫敢出一語於是
諸飢人負糧于背竊相語曰大息大息當是時

島夷寇海上人倉皇携家西來傳言夷且
西若曰是可已備哉乃閑閑謹牒勒邑子弟勇
有力者日坐武亭較射角矛士咸奮然有鬪志
夜則誡邑兵嚴刀斗環城大呼人言即寇至何
虞也甲寅春二月至夏五月不雨邑人大恐若
曰毋恐吾當為父老子弟取雨若於是齋三日
率僚備禮樂恭禱百神前夜則整冠束帶焚香
于庭再拜以萬民請命于皇天越二日不雨若
繞柱徬徨行自念曰何不雨也頃之雨又二日

又大雨邑人驩說曰即歲有穡非公賜哉九此
皆若精意于民視其利病若在肌體也先是
天中丞廉若政嗟嗟異焉亡何總憲上臺去則
下檄展采勞若而彭大夫治水淮南則亦下縣
勞若如吳中丞檄也於是若之僚請言于宗子
宗子則采輯若之荅民望者以見二公所以勞
若之意焉客曰邑之困賴公以蘇顧顛顛流離
尚充充然盈塗巷是所望于公者更多也宗子
曰嗟乎夫兵荒者繫之天者也繫之天者誰不

委之天乃君獨任之身防禦感格有成蹟焉即
其取必於己可以解民困者其于民又何處也
子母言其滌慮以竢可矣

陸長庚母夫人序

余往在草莽時則長庚時時共余治博士家語
願非其好也輒大息罷去乃獨亟稱司馬子長
杜少陵當是時聞其言者相與曰笑之而余獨
心異焉於是時時過長庚草堂長庚輒與余几
而談細剖深語已命侍子摘園蔬飯余或酒余

不夜不別即別復相與握手竟談塗中當是時
余貧長庚更大貧至不能張燭啓塗徃徃錯足
溝穢不恨也而太夫人張頗恠長庚暮喘輒問
曰兒所役朝夕者誰子哉而殷殷亟亟焉長庚
聽進曰兒讀天下之書見天下之士者至衆矣
乃亡逾斯人者淵停岳峙非兒不能友之亡何
又與二三子共談藝事則太夫人又時時出酒
肴佐談長庚得以翩翩文史馳騁今昔雖自其
雄才乎亦自太孺人賢有教矣后長庚與余次

第應有司辟已乃次第罷歸則仰天嘆息曰嗟乎余豪七豈困一第哉顧獨念母夫人教我者勤也且何以慰先君子地下蓋長庚尊者以易孝名世卒乃薤荔其身以老以故長庚之念深焉余先長庚舉進士為郎無何以病免歸長庚時時孤艇來訊停盃曷嘯抗志霞表然未嘗不中夜而嘆余曰何嘆則嘆母夫人老在堂也後數年余以叅藩過里長庚九五觴余館余時島寇急入倉皇走長庚獨嘆曰天乎天乎即不念

其家獨奈何不念吾母哉俄而寇遁而太夫人以今年六袞矣太夫人雖蕭然荆布乎顧長庚者天下才也用之則夔龍稷契不用則班馬杜李辟之雲焉即垂即雨即結即霞終日而徧丁字內鈞之炳然大觀也余又聞夫人中子約之能詩能書能画又能精岐黃家言余未交其人知其豪也斯何愧機雲矣后世觀機雲者欣艷其子孰不念其親哉當時顯約又何論也即使太夫人翟冠翠翹揚帔曳裾終日聽絲竿而弄

金玉非不融融樂也乃其子或不足振藻清時
派采子祀則浮世榮華辟之飄風落葉倏起倏
滅也太夫人宜何取焉長庚聞余言躍然起曰
即微子言吾終不能以世俗事吾母長庚故喜
為玄言與余言言終夜不罷去誠如其言則啖
糗餌芝鍊飛久視長庚又有別事其母者也余
則安能知哉余則安能知哉

贈陶先生之封川令序

余讀漢書所稱循吏傳至勤天子璽書讚誦錫

采幸庸當是時天下之人靡不瞿然驚且喜也
意其人必有英風殊畧表著耳目之外者何至
所狀卓魯諸臣汶汶悶悶哉曰嗟乎余於是知
古道之所以隆也世曆彌降學士大夫不譚隆
古一結綬臨民則壹志刑名期會而緩厥民圖
其下則更武遇其民日魚肉之即家咨人吁餒
藻不給迺其橐金靡不巍然隆高也斯何稱吏
治哉采峰先生視興庠三年矣今年夏擢為封
川令以去余讀粵紀其邑蓋多稱徭患云徭故

盤錯嶺當時負戈晝游大掠邑人吏懼不敢置
問家大人往視其郡未嘗不練意勤容焉而先
生又為余具言茲地去家廬開梁甚逼也羣寇
往往伏弩道左俟有過艇輒格殪之即尊官貴
人擁旄行亦必提精銳持干矛操數十艇同獨
四顧迺敢問渡不爾者危也則封川之難先生
蓋已熟計之余聞徭之為害粵中歲祀綿邈矣
總戎貴臣時督大兵糜百萬進勦稍輯媮叛何
問一令哉惟令施德宣惠撫我元元保肉治敢

靡協于至理則尺莛可撻外侮何懼焉我
明御世久遠寰宇恬熙頃者島夷肆殘大寇吳
越已久寇揚、人久不覩其倖言寇至輒大呼
惶急走如覲魍魎也乃徭固封川所習者封川
即難不甚于興矣先生負異才又其性明闔朗
曾在興三載大著作人功當塗者咸奉然嗟異
下檄褒焉且又目攝興政也先生行矣則余所
謂天子繭書讚誦而入亦靡不瞿然驚且喜者
其在斯行乎先生之僚黃若趙君偕其門人弟

子祖道南疇烽燧盈酒因徵別言余則亟談封
川戎事蓋時乎蓋時乎

送顧子之洛陽序

顧子昔遊黌序時與今學士李公稱並驛也余
當是時僅髫髻從羣少治博士家語顧子一覩輒
投牘嘆曰是夫者即髫吾將友焉於是時、持
牘以游顧子顧子時覩時嘆也有司辟茂才顧
子與余常次第往已乃次第罷歸則携余登江
門燕子磯俯長江太息曰嗟乎即余不售則諸

先公何賴焉蓋顧子之先有惟學公者嘗從

高皇帝北伐大將軍達奇之已乃稱病免歸

帝念其勞詔賜湯沐四十戶而惟賢公者為眉

縣令天龍之變戰死 帝悼而帛祭之其餘勲

名文學被儒服者代有稱聞也余因解之曰即

君之才豈下諸先公哉而奚訛焉後學士公與

余相繼登朝乃顧子猶儼然蓬荻心切悲之歲

乙卯夏顧子遺書報余盛稱其志意君當問長

安酒樓待我九月既望南鄉書至是夜從諸省

郎齋居省中也啓帙覩顧子則頓足起幾不自持諸省郎詰其狀靡不嗟異焉余於是為賦武陵之歌武陵者顧子別業也顧子既至則把袂交惟傳卮浮白窮日夜不休因戲曰尚憶俯江之談乎乃顧子又罷春官不舉則喟然太息曰嗟乎豈余困未甚哉余且歸武陵枕蘿石卧松雲而嬉焉以待天下之事如何余曰否否志士不違時以立功哲人恒因机以表業當是時而得一郡邑博日與二三子佔筆其間則藝精

不勞也不然薤拾之奪章服易矣勿歸便李公亦以是日夜諷顧子顧子遂出乃得河南之洛陽洛陽者天下之中而古今最俊之所總萃也昔賈生負異才當文帝至聖海內又安而上疏言天下事至痛哭流涕絳灌之後日目攝之然世之論才者不益絳灌益生也若其為我過賈生之里而吊焉古今人何相遠哉即洛之二三子其亦無類賈生者乎顧子曰吾聞士不養則不教吾將請於當塗祈其一二疇畝以助士之

績學而奪於貧者其更貧而不能行經師脩則
却之學宮而日迪之庶幾哉其有賈生之才乎
余曰太息曰嗟乎信斯言也則豈惟洛士賴之
而顧子業日益精綴其餘以拾上第為國家作
人稱天下師謂不自洛陽始乎即諸先生德業
孰多焉

贈憲長菴厓周公入粵序

勤周公往以 上命來督閩諸無何謁 上上
以公當返閩而粵於閩最近會粵憲使奏缺

上遂以公為粵憲使命至閩而方伯揚公嘆曰
公何復出即出何粵也以謂宗子宗子曰斯
上意哉揚公曰 上意何者宗子曰余讀秦漢
之際而知粵之難治也乃無逾今者昔之難在
有其粵者也而不在粵也今之難在粵矣而尤
在乎使其粵者也當漢盛時呂嘉背王太后之
議持粵之強不內鄉一夫耳而天子至命代泥
樓船戈船三將軍統數十萬下蒼梧牂牁討
然而君臣上下之畫策然毋撓者則以呂之故

而無與於粵也今島夷者何為者也乃能以其一朝異域之人而與我粵人籩粍人日釀美酒烹大肉以待其至即不至且操大艇載酒肉及絮繒遺之有司稍稍詰問輒走夷中令其持刀大呼攻城野掠率格殺數百人而去有司上書言狀上非不欲命大將軍統百萬盡捕殺諸所昵夷者顧念此皆吾赤子也與其亟而兵也不若且飭而憲故以三尺付公上意深矣楊曰公之奉上命以徃則嚴乎宗子曰余知公之不

欲嚴也夫三尺者法也天下未有法而不嚴者也公獨奈何不嚴也嗟乎粵人之昵夷也豈真其父子兄弟哉毋亦夷持其所以生之之具而招之而治粵者輒又嚴刑酷罰以趣之死夫好生而惡死者情也生之而不趨死之而不避天下無之為今之計不若緩其所以死之之具而漸示其所以生之之路寧使之稍稍肆於其內以玩吾之法而不使之法密而不疎以求快於其外而至於絕吾之法則其視吾之所以生之者

不殊於彼也彼又安得而奪之斯弭亂之術也
若朝論殺一人焉暮論殺一人焉則其心愈駭
駭則疑疑則亂即遣數大將軍統數百萬盡捕
殺之何忍哉故曰公者不嚴者也其亦上之
意也公念之矣故事同采諸公遷去輒有贈言
是時公徑趨粵而書來問所以贈者楊公目命
宗子言宗子於是以其與楊公言者報公公
上百所擢士為御史忤貴臣斥去已又為縣官
為藩臬臣今四十年矣非

上念粵甚豈復令公南哉今且召公矣

贈方伯楊公赴廣東序

胥江楊公事 今上歲三十年始來為閩藩右
使又一年擢左使於粵且去諸大夫不忍別公
取道祖焉於是宗子仰而嘆曰嗟乎予觀公之
治閩而知天下之政也夫天下之患莫大於兵
冗而食匱民已困而盜不止是閩粵共之矣公
蓋後戈戟中至閩也閩蔽故虛自夷來闕我而
三軍之士坐而虎餐金盡矣當事者亦不知金

盡而亦不能令戰者餓則時時下檄曰某子之
百某予之千某予之萬而護戎將軍日率諸所
部兵遮道索餉公歸索之餉無餉也則嘆曰是
安從得金哉吾誠不能以三軍之故而令此瘡
痍者復出一錢也於是起而之箴中畫計其所
積出之庭已又取諸郡邑之故積者計之日是
可餉數月輒喜曰是可餉一年輒又大喜辟之
千金之家一朝而召百客其主之兄弟懼主之
無以驩宿也乃至質衣貫醢脫剗買鮮焉苦心

哉苦心哉夫不忍加賦於已困之民何其仁也
而又不使其兵餓何其智也無論兵即諸部使
者日奉王命而臨之其館宇井厨舟航薪米
公靡不自覩口畫悉當其念且日率諸大夫而
奉禮之無間缺焉間則解帶坐堂上命奉吏抱
牘握筆而馳之已覲之墀空無人乃始還內餐
沐何其勤也藩政故稱瑣屑是在出納之間矣
公則下檄曰毋重而入毋輕而出吏有故為高
下手者輒鞭之甚者逐之以故納餉者靡不入

人喜而公方湛然。坐其間，辟則石之必堅，而
玉之必碎也。何其潔也。且一日之間，情偽紛錯，
巨者如輪，微者如髮。高者如天，深者如淵。公則
心維利害而毅然，予奪出入之老吏大猾，兀兀
不敢出一語，何其明也。公既長者，又重拂人，故
凡具衣冠而謁者，靡不恭而遣之。即不當其請，
不怒也。即萌隸胥徒至微賤者，公亦不恐，輒以
惡語相詬厲。以故君子感其愛，小人懷其惠，聲
則鳳翔于郊，麟游于野，而天下之人靡不飲食

爭覩之，何其德也。斯古之所謂大臣者也。公而
入柄天下之政，與天下之人感公也。蓋類閩矣。
天何有于粵？故曰：予觀於公之治閩，而知天下
之政也。諸大夫曰：公之又粵也，無乃勞乎？宗子
曰：公之必粵者，乃公之必握天下之政也。夫公
蓋嘗展采，豫章、衡岳、齊魯、河洛之墟矣。然而兵
冗食匱，民困盜熾，為上所最急者，則無踰閩
粵。故俾公閩，復俾公粵，非勞也。蓋嘗之也。
上知公之嘗閩粵，且又嘗豫章、衡岳、齊魯、河洛

之墟也則必召公而咨之政斯授之矣公而握
政則閩粵者尤急乎尤急乎遂書其言以為公
贈

贈督臺王公平倭序代誥

余讀往牒至夷狄內鬪鮮有能奮長策而制其
命者未嘗不投牘而嘆也日嗟乎豈夷狄視柔
頤雄拔賈生云匈奴雖強不足以當漢之一縣
夫匈奴猶其大者也乃今島夷者史絕不書其
衆且不及匈奴什一而數年以來持戈內寇當

事者至糜千萬走千萬里徵四方精兵屯之海
上糾練垂雲勢至盛也乃夷以數騎薄之輒惶
駭棄戈而走轉相枕藉以赴鋒鏑而夷遂大呼
長驅隨名誠殺長吏虜士女焚宮室而吳越淮
揚既闕之間大困矣此其視匈奴何如哉余誠
不解其事每談之未嘗不髮上指冠也歲丁巳
余以 上命按閩先是夷入閩大掠而去會戊
午春夷又來 上采言官言乃以方湖王公代
督閩戎事余是時行部汀州也夷寇衆即馳之

泉走之而夷既已陷福清空其城鎮東莆田之
間急矣余方決策北御會公至則檄兵數千要
擊之海中沉其大舳數千擒斬俘獲無一東還
者余聞之則嘆公之斯捷也有四美焉 主上
神明英武恣師久無功卒無一戰可當 上心
者時、督責詔捕更置師帥至急民也公走一
騎奏書 闕下 上覽書大悅牽臣稽首奉觴
上壽豈不大快哉是公以一戰而解 至上數
千里南顧之懷何其忠也且夷之來也殺人之

父兄虜人之子弟辱人之妻擊毀人之廬塚不
下千萬其野哭蒼呼者蓋罄色天地也一朝而
懸其首於塗令世之者子慈孫孤孱弱稚成日
攝而手碎之且泣且罵且悲且嘻以為亦足以
報地下人無恨矣是公以一戰而解千萬人出
明之憤何其仁也自有夷變以來我兵即號稱
精銳者未嘗得志於一戰無論夷之咲之即華
人亦甘之矣今乃一朝而擒其數千以歸鳴銃
擊鼓揚、入國門即皆前日之惶駭棄戈而走

者也。鄉也。何怯今也。何勇。謂不自公倡之。執天下之人。且將曰。吾筆無不可勇者也。而猛氣英雄勃、雲起矣。是公以一戰而振中國之氣。行其義也。與論夷恃其悍。以易我。即我之觀之。蓋如神鬼。魍魎焉。鄉也不敢覲其面。而今則手縛其軀。鄉也不敢聞其聲。而今則刀碎其骨。天下之人。由是知夷之不足畏也。即夷且將轉相誡語。不敢問渡矣。是公以一戰而挫夷方張之志。何其武也。故曰。公之斯捷也。有四美焉。漢臣云。

將不識兵。以其卒予敵也。公之初至。乃能以其未識之卒。而成厥偉功。雖悟之矣。公且不以為功。日勤勤講武。以待夷之再至。夷不至。大喜。即至。公功當益奇。且天下之大患。惟南夷。北虜。夷虜類也。南不可以挫夷。北不可以却胡。哉。余所謂奮長策而能制其命者。其在公乎。其在公乎。余樂公之功。故為一言。以紀其事。且以天下之大計。俟公蓋握管待之矣。

樊公在臺中及觀風畿甸時諸所上封事余讀
之嘆曰是古之所稱埋輪攬轡者流也無何公
以 上命按閩乃予亦以撫 命至予至蓋後
公六月也覩公所為治閩者乃益悚然而嗟焉
鄉也吏斯者輒武視其民而魚肉之金錢倚備
盈橐靡不巍然高也今也吏競競慄慄不敢需
民矣即需弗予矣何也則公之逐之者嚴也鄉
也邑而勢者暴其邑却而勢者暴其郡視人之
便利田室輒恐奪之至榜笞其人于庭而其遂

役之也且田而不賦租吏莫敢闕其門焉今也
巨者帖首小者潛跡田宅者稍稍還其人矣即
不還亦酬之直矣其逋而內也少者百金多者
千金何也則公之鋤之者嚴也鄉也固圍囷囷
然大辟未論報者戍未籍者後未遣者贖巨全
者稅巨租者骨立其間也今也獄空無人矣即
有之極桎簡鮮矣獄吏不能索一錢也何也則
公之論訊之跡滌之者嚴也鄉也市人以其絮
緇米鹽而鬻之布也官布之則半其直市人怒

而謙甚者則思以其絮繒米鹽而售之也今
也官之直等民矣即不等不鬻矣右人驢洽無
夷心矣何也則公之繩之者嚴也鄉也諸貴人
至傳舍既已大餐而輿馬筐筭去矣已又索傳
舍長金不予則鞭予之而理賦者又破其所予
貴人金不報傳舍長目啼而逸也今也諸貴人
不敢索金矣即索金傳舍長目攝之矣何也則
公之約之者嚴也鄉也監司二千石以下時時
走道路供帳飲食至勞民也今也上下顛精于

簿牘非行部不出矣即出不費矣何也則公之
誠之者嚴也鄉也里父老之役於官也官者百
索之者十索之徒者五索之蓋日糜之百金
也至不任輒棄其家而走今也祭祀飲射之外
不用一蔬矣胥徒至有空腹而立者何也則公
之察之者嚴也蓋公之明之罔不洞也公之威
之罔不摧也公之澤之罔不周也即古之埋輪
覽轡者堂堂焉著空名於天下比功而推何去
及公也閩父老閒居對上乎息誦公者輒蘇七

頭涕恐公代於是率其子弟數百人詣闕上書固請留公天子覽其書異焉詔下御史臺議而臺臣以為故事無父巡者又重違民請於是故遲其代二載始代父老子弟罔不驩語若更生也斯見民心哉斯見民心哉雖然予之心蓋甚于民焉夫盜賊之起莫不由於吏貪而豪肆獄寃而布擾事繁而財匱今吏庶矣豪繩矣獄平矣布理矣傳舍清矣甲甲節矣則民又安肯以其父母妻子所仰賴之身而棄之於盜則

今日盜之所以漸弭者非公之功而誰也方公與子共事戎馬之際也兵而予調也餉而予予也公不以為忤也何者予之心公之心也兵而公或莫之調也餉而公或莫之子也予不以為異也何者公之心予之心也心一則事比志合則勳彰以故羣雲翔三軍處視兩平大寇如射隼焉然則盜之所以平者非公之功而誰也故曰予之心蓋有甚於民焉雖然公之入之簪筆侍上址而遠代南而既粵公以其目觀之

者後容為 上言俾封疆之臣得以仰承廟謨而展采錯事天下之民將靡不受公之賜何況閩也海土之捷公惠之言且以南北大計期予意至厚也予則以為今日大計蓋在公矣即古之所稱埋輪攬轡者誠不能及公哉誠不能及公哉

王夫人傳

濯纓王子以詞賦馳名人人重王子又以重王子母曰王夫人王夫人云蓋鳴蘆公也壯而不

舉子名再婚于顧淥夫人人謂孫夫人于夫人乖也顧不乖反厚視夫人夫人事孫夫人愈蓋謹又其性至孝敬待其姑夫人疾凡九月不歸室易衣姑夫人為孫夫人言顧婦事我勤也此逝則視諸婦又特哀以此人輒稱夫人孝云夫人先舉女孫夫人即取女女之曰何濯纓子生孫夫人意夫人自子也乃夫人不自子輒又請子于孫夫人孫夫人喜曰吾固當作是兒毋當是時鴻臚公出為河西令治裝且行而孫夫人

適病病革乃抱濯纓子而執夫人手流涕言曰
是兒王六代宗子卿不女子者懼女少也今我
不能待是兒成是兒在女乃泣夫人亦泣比孫
夫人逝則夫人悲痛若姑夫人濯纓子稍長人
或謂君毋顧母也請于夫人夫人曰兒已問第
已忘兒孫母息每歲時蒸嘗奠則夫人祀曰孫
夫人兒今被儒服供蒸嘗矣於是濯纓子亦涕
下沾衣曰何鴻臚公謝事歸他室日被綃綺整
環珮曳金玉鏘鏘行而夫人一簪一纓不得著

膚髮相室者念曰夫人柰何而辱若是夫人咲
曰我孱拙我得寶奇矣意蓋謂濯纓子云乃濯
纓子則欲不利於其人而夫人輒牽裾止之曰
兒柰何為母而傷父志濯纓子負異才鄉人曰
冀其第也乃累舉累不第夫人輒慰之曰自古
高才之士往往不偶於時兒才所竊造化者多
矣兒寧之顧安知不雲蒸龍變哉又濯纓子性
至孝即困必日謀甘膳膳夫人託其心即夫人
亦忘其子困而夫人八十時濯纓子百拜奉觴

為壽夫人前夫人大喜已乃歛歔曰自我結髮
事女父以至白首艱困累千苦環戰而立豈知
今日得稱八十老婦又見女顯其才又見女金
家婦抱兒也彼其綺綃環佩金玉鏘鏘行者安
在哉於是罷酒宗子曰嗟乎以余觀于世入嫡
庶子母之間則益嘆夫人之難焉彼其上以分
猜下以子挾相怨相謀終其身不解者天下一
室也乃夫人獨不以有子挾其上又忍其下夫
古今以閫行著聞炳蔚史冊者要之不離乎處

常非若夫人以身合二者之間至危變也乃天
人善處其變又能成其子才然則夫人者誠難
哉誠難哉

吳叟傳

叟蓋吉安人忘其名其里中有大猾家徒數百
暴行里中里中人大恚之然不敢上共狀于有
司即狀上有司亦怵怵焉恐變不敢問會流賊
逼里中而叟遂間詣其廬詔曰公之暴行上下
之所知也即有司懼不敢問假令部使者督千

人捕公公能終拒之乎曰不能叟曰吾固知公
之不能也公既不能何不因事自解臣論自解
且令里人德公其人踞曰唯父命之叟因執其
手曰方今流賊四劫誠危急存亡之秋也公當
此時誠能率其子弟擊賊賊必潰則里中莫不
驩公公得以長豪里中無懼矣其人遂掀髯而
起曰公無言吾當為公擊賊於是勒其子弟最
強者百人人持挺急驅之而叟騎一驢從二蒼
頭往贊一遇賊輒奮聞自巳至未九數戰殺數

十人猾者稍倦矣輒命左右取水而叟心計賊
既已殺數十人亦無慮賊矣獨念此猾暴里中
無已時也不若因其機滅之遂從旁大呼我兵
且退賊遂乘勝逐之悉殺猾之父子兄弟叟乃
跨驢從二蒼頭揚揚歸也宗子曰嗟乎若叟者
奇士哉奇士哉夫賊內外應至變也叟不用一
兵不費有司一斗調三寸舌取二賊若探之囊
假令叟得時雲變設為制敵豈復測識哉而願
岳藪老焉惜矣惜矣郭黃門與余言余懼其逸

故為之傳其事云

一

宗子相集卷之十

廣陵宗 臣著

武昌吳國倫校



文部

記凡五首

誌銘一首

贊一首

跋一首

遊燕子磯記

余讀金陵諸記其東北蓋有燕子磯云今年丁巳家君入為南比部郎余出叅閩省道金陵展謁太醫沈君潤甫來家君觴之邸中因談佳山水亟道茲磯家君曰沈君有意於兒其從焉則以明日並輿而北蓋二十里至觀音門門者列戟已出稍北道市橋又折而西登清江道院少憩院人啓漢壽亭侯祠由右扉入至水雲亭亭揭天空海闊蓋前尚書湛公筆云已前俯欄則長江浸牖矣又北登祠謁侯裴回嘆曰此地非

此者誰當於稍此則所謂燕子磯者在焉磯上有亭更上又有亭揭曰俯江亭中牽豎裸卧輒走與沈君解衣坐磯上是日西風稍稍微矣白雲掃空萬里一碧西眺荆楚東望海門蒼茫哉把酒臨流相顧太息時有破履黃冠者突過磯下因呼訊焉對數語稍解命坐酒之因言大丹之藥唯人元地元天元外是者悉荆榛邪亂也余曰三者同乎曰得人得地得天何以得之曰師可以遇之曰分非分非師可言仙乎余

大恠其語曰嗟乎斯何異陸生譚哉蓋長庚與
余譚未嘗不嘆息斯自也又酒之遺以~~殺~~核接
之囊長揖而去沈君曰公誤矣天下豈有仙人
哉唯嗇氣蓄精道遙林壑洒翰賦詩圍棋睹野
斯翩翩至樂已公見夫駕雲乘龍者何人哉余
因仰天嘆曰仙乎仙乎吾將捨女且即汝乎侍
者進餐已餐各披衣起由水雲亭出祠下稍南
至河舟子操艇渡之既入洞狹峻沿江至弘濟
寺寺九三門後益峻崑後大宮面江背山蓋即

所謂觀音山云稍南有亭蓋懸江而構下臨不
測仰睇其背則絕壁萬仞勢若倒垂人過其下
動魄驚骨斯天下之偉觀也是月秋氣苦人復
憩大宮宮峻深暑氣稍解各困則徵簞枕于僧
僧資僅具二枕無尊堂故有席蓋待客謁者余
命侍子倒屏施席沈君則展大帳卧焉既蘇沈
君求沐僧室還嘆曰資甚賚甚詰僧衆曰十一
何業曰有田二十畝共之且稅且苦庸調余嘆
曰嚮者羨僧今乃若是已又開酌與人告暮公

等且休矣於是披衣沿洞出既登輿問曰梅花
水安在曰越此五里暮難至矣徵其狀曰有池
有亭有梅花乎曰無余顧沈君笑曰梅哉梅哉
何取於水也遂別去太醫名露與余髻好又其
人深沈好讀書精岐黃已又工書工詩時亦漫
遊白下云

登平遠臺記

平遠臺在省城中東南閩志三山此即所謂鰲
峰山也山故奇在城中尤奇宗子入閩十朔非

遊也蓋以戎故而客有好宗子者乃曰宗子非
薦九歲析始上又折而東登鰲石亭天風高揚
乃象蕭瑟宗子於是仰而思已俯而嘆也客曰
大夫何嘆宗子曰嗟客乎嗟客乎客聞其說余
怨客之投觴于地而莫予飲也夫閩者豈非記
所稱東南巨麗哉家纓弁入詩禮農嬉于疇而
角歌于塗也當是時而登殿臺焉高山大川遊
雲芳草罔弗觸吾目也則罔弗快吾心也今何
時也吾見茲臺三駐軍矣客亦東眺大海乎樓

船組練隱隱起也南涕於江故里嬾日濯錦漂
絮其中者今健兒飲馬矣西瞻烏石蓋有鍛甲
礪刀鼓笳鏡吹之聲焉北闕閭井則父老子弟
被戎執戎者怨讟盈道也且千里之內亡者未
掩瘡者未起淚者未歸擊者未釋吾念之吾不
知汗之淫淫至于踵也昔何以驩今何以悲昔
何以靖今何以擾斯其故誰言哉誰言哉失岩
子之謀入國也上憂主憂而下憂民憂者也今
帝心常在萬里而民瘼克克在吾前也方請纓

操戈不暇餐沐矣客乃欲吾觀高山大川游雲
芳草而嬉乎此吾所為莫也昔元臣據閩之險
以抗我旅

皇祖乃命樓船將軍從大海徑楊其穴空之
帝謨燦赫日月同炳也乃今策事之臣願不能
設一奇制敵而使醜夷往往截海闕我此視

皇視諸巨何如哉吾嘆之實愧之也客於是起
蘇口吾不能解大夫之嘆而大夫又安能飲吾
之酒請大夫為客記之以示後之登斯臺者毋

徒嬉此高山大川游雲芳草而忘歎民憂也宗
子於是采客之言以為記

西門記

戊午四月既望余至自汀是時都御史阮公被
逮北去島寇直犯閩省中人惶急走而請大夫
曰議守城事遂以余守西門城九七門而西門
者芋原橫塘南臺之所耶道也先是有司悉部
勅諸父老子弟守陴余登陴則悉罷諸所責者
疾者孤而孺者留其壯與之約曰晝則家夜則

陴擊拆鳴鑼而懸大陴外不知約者以軍法從
事會明日報寇將至六門咸閉矣而城外人數
十萬大呼祈入余獨日關西門入之晨起坐城
上列健兒數十于門人詰而入而牛馬雞豕牽
牽薄吾坐不問也客有言關門誠善獨柰何不
虞奸人哉余曰客休矣余辯此矣即有奸人者
吾任之於是為檄召城外百里所蓄薪穀悉徙
之城中不徙者吾縱兵焚之而壯夫有不肩薪
穀而入吾門者不得入於是城外薪穀日以萬

石塞閉矣城外人食城中者不下十萬城守凡
五十日而斗米不增一錢蓋以多故而議者謂
城外民廬逼城者恐賊至焚之以攻吾門於是
凡有廬而近者輒命焚之烟裊裊四起廬者還
泣不止也余則止西門廬不焚下微曰寇至五
十里爾則自焚吾不忍為爾焚也其有樹于城
側者議者怨寇至登樹闕我於是下伐木之令
護戎者持斧環城伐之至西門余偕護戎出視
棗百株梨百株垂垂實矣護戎請斧余止之曰

毋伐即寇至何能登此柔幹哉凡誠不屋其上
而闕城則屋蓋其城故淤沙不屋則雨浸善壞
而議者謂城而屋不便擊寇也於是每楹輒毀
其一路寇至則立之屋上擊寇余咲曰兵不能
雄之行間而能雄之屋上哉且一雨而千楹何
特也遂止不毀而外都以援兵至凡二千人咸
余所部兵也余令護戎日督之野習射夜則分
屯之堞間五人一爨十人一人下堞取薪不取
薪而下堞者以軍法論以是兵戢不擾而即武

部兵之出守西夾江也至則咸病卧村墟中余命揚生急馳而入劑之遂起是時寇已陷福清福清人携孥息至者日以千計而鎮東之於福清近也寇既去復攻鎮東鎮東人善守以故不可拔別分一寇寇興發援會當事者提兵至遂解解興之圍而寇之寇泉也巡臺被戒督守遂解去徃徃出游兵伏擊有所俘獲以歸當是時興泉之寇已南而鎮東者尚屯海上意揚其甚也會督府馳至則檄兵數千連數十綑要擊之寇

輕我輒駕大鰲逆我而我兵奮怒弩鏖亂菽葉風火呼寇觸反出其下遂大獲餘者沉之海中捷至悉罷諸所守俾之卒與外兵入援者余亦解榻還署而父老羣然別余淚下沾衣焉時五月二十三日也余慎徃事故失姑書而存之

前西征記

戊午五月海寇既平於是悉罷諸所入戍者先是粵兵三千以丁巳十月徵至戍省中督府至亟下采金牛酒勞之已而寇至檄其徃不徃也

匿之民間而督府既已檄閩兵逐賊歸矣於是
粵兵慙會其酋長以千金為其二子耶婦欲去
遂日夜請之督府督府業已厭之曰請上罷去
而檄余督之西時七月六日也故事客兵餉金
咸頒之酋長酋長輒匿其半而半給之以故任
其掠不問余於是召其酋長跪之庭誠之曰而
提三千人食我四萬未聞逐一賊也若後匿奉
首金任其掠者吾且縛而千金婦致之闕下於
是酋長大懼出則嚴戢其羣毋掠余至延平聞

其不掠也輒又厚遺其酋長牛酒是時汀守徐
岩使_上來問粵兵狀余報以尺牘其詞曰悌自
建安則有護軍之檄矣其人咸虎而戟日夜繩
之堂不掠塗然亦其塗之人徙其鷄犬擊孺而
匿之他所故免是下卒傳檄塗居者毋縱鷄犬
不收毋不能一時去其孥孺以為護軍使者夏
也再二日至將樂羣酋之至也咸舟至將樂則
陸是時秋炎羣酋畏炎不日馳而夜馳余與之
共馳輿不鷄鳴不停也蓋十日而至石牛石牛

去河百里其地故有塾云塾師聞牽酋至輒匿
之山中而讀留其學子而髻者守笥酋睨其笥
不知其書笥也持刀劈之見其遺書則又碎其
書於是學子頓足而泣曰何酋又網其池魚學
子者業不知畏酋也既已忿已又闕其網魚輒
大呼曰容兵作賊因裂其網投之於是酋大怒
即手縛之而訴之酋長曰是子竊吾刀也酋長
信之既已縛之一夕明日驛史入言狀余怒命
使事往讓酋長酋長懼而詰人安在則已繫而

去之三十里矣於是追釋之又二日至汀徐君
又大勞其酋長及羣酋以去自省抵汀蓋千里
而二旬始至其所徑雖少焚劫然鷄鴨魚蟹門
扉廬灶蕭然矣出瑞金遂蓋大掠而余問從與
中問父老父老輒為余泣曰吾民之苦客兵甚
於盜也夫當事者走千里召外兵擊賊豈不至
急民哉及其至乃不肯發一矢徒搜金而歸也
歲費帑金數萬即道塗牛酒又半之矣卒乃使
其民憂嗟怨嘆若覩賊焉嗟乎後之誘客兵者

慎念哉慎念哉

後西巡記

余以八月二十八日出闈則泰寧報粵賊急余
即下檄邵延各郡邑兵夾剿而身與數騎星馳
而西至延則賊已殺泰寧簿又擄其衛使楊余
曰事迫矣於是檄歸化兵截其西邵武兵防其
北將樂兵阻其東而謝倅時裨事永安則檄謝
督兵截其南馳至將樂會顏使岩顏使岩留將
樂防賊之東而余督數百騎徑趨歸化至白蓮

驛則賊已遁紫雲臺矣臺去白蓮六十里歸化
永安沙縣各百里而歸化又賊入汀歸粵之要
塗也余以是夜馳至檄其邑兵五百粵兵二百
付李丞蘇簿及豐後事馳之紫雲兵急不及餐
而余取邑父老米三十石令健兒數十肩隨之
賊是時已據紫雲數日延平衛使劉周率其衆
與賊戰賊佯敗衆逐之賊伏起環戰遂殺我兵
數十人已乃聞歸化兵至輒驚走先是賊過歸
化歸化人善弩輒射殺數人賊遂遁至語人曰

吾遇延平兵卧而戰遇永安兵坐而戰遇歸化
兵立而戰蓋慎之也賊既遁而歸化兵追之遂
逼永安永安在萬山中而積穀寮人輩悍於是
謝倅檄積穀寮兵三百出戰擒數十賊獲大旗
追至百里不及而歸而賊遂夜從上杭歸粵會
上杭兵又追擒之謝倅馳報余於是勒回所遣
歸化兵羅豐從事還郡明日遂散歸化至白蓮
其丞廣陵人也先而被創覲余流涕余詰其狀
則曰賊從泰寧來乃徑至驛云其鼓而登堂而

朱衣者蓋少年美丈夫也是時驛中人惶急走
而丞負廩金匿之暗室中少年問丞安在於是
奉賊四索曳出之欲鞭之而少年止之曰丞老
矣速取金來宥女於是驅而之賊中少年獨坐
上坐見丞跽輒以手扶之起曰此官人也遂呼
之官人與之坐而列所掠諸婦于旁諸婦有抱
兒者輒自乳其兒其兒啼少年輒啖之果代抱
之而諸婦如對其家人不懼也少年謗言曰公
以我為賊乎我非賊聊與二三兄弟訪故舊此

中不免取牛酒為諸父老費而何當事者以我
為賊而勒官兵捕我也公不聞秦寧簿與衛使
之事乎即口不畏兵然時時遣其從外瞭聞兵
至輒錯愕耳語起矣余曰女奚策而歸曰賊既
已解去腰金廩金而丞之子復以十金跽進遂
釋丞然初索之暗中時以被三創矣而諸婦之
家亦各進金放去余因太息曰嗟乎世言賊難
圖者豈不感哉夫丞卑官耳而畏不敢縛止利
其數金此其志非雄桀可知矣且賊號千人實

不滿二百又多老穉其間方初入寇時使有司
者僅得中智之士率健兒善射者數百人扼其
要而伏以待之可一鼓而擒也乃張簿以輕進
斃楊帥以貪功縛劉周以失險潰此何說哉此
何說哉余又聞賊之初至秦寧也秦寧故無城
而簿遂率諸健兒出戰簿亦衣健兒衣賊不知
其薄也已殺始知其薄遂駭而走而楊善之逐
賊也會有部兵獲一賊級善奪之兵噪而散而
賊遂擒善以去然則楊之罪甚矣世人覩賊殺

簿擒使以為桀不可禦是豈賊桀哉余還將樂
與顏使君大恠之而因采掇其事以見賊不足
慮而當慮所以禦賊者嗟乎是亦余之罪也夫

誌銘 一首

明封承德郎刑部山東司主事東皋徐公

墓志銘

嘉靖戊午十月二十日長興東皋徐公卒於家
先是八月汀州若時為余言心怔怔悸動也
面炎炎未乃其夜又夢公騎而西馳已又雪滿

塗也徵何哉余恠之亡何汀州若壯覲既逾月
貽余書曰先君遂棄不肖鄉者之夢蓋徵乎蓋
徵乎敢乞不朽於足下已俞氏狀來余持覲為
泣曰嗟乎不一覲公而銘公哉公名柬字敬之
其先鳳陽人洪武初詔徙淮西豪杰江南而進
五公者遂長吳家焉至享六公九四世俱徵不
著及農隱公始以高義聞里中農隱者享六公
子也里人有負租售畝而易其金簪珥婦者醉
遺之塗農隱公夜獲之則俟其人旦來委之而

芝其人倉卒起謝公不及公乃仰天嘆曰厚德
厚德農隱公故貧已又生五子愈益貧而東皋
公在五子中完少又盡讓其兄產而獨以其身
依姑錢氏居間則盡發錢氏書讀又喜為文詞
蔚然駿茂矣而里父許有女二十未嫁間從錢
氏覩公嘆公才遂以女妻公公是時年三十矣
客有風公應有司辟公咲曰吾曰為人父願柰
何執簡躡蹻從羣豎游乎於是構草堂茗水之
東自稱東皋隱者然時已下帷授諸生徑諸生

執經候門者屢常滿矣居頃之許夫人益夢日
墮懷中也於是汀州君生公大喜僮髻則芝會
首書購六經百子秦漢以下書歸草堂命汀州
君讀又時時為誦說貧家高士孝廉異行者流
輒嘆曰嗟乎吾乃不得與斯人同游哉至有不
快其人者則怒髮隱几上相冠投書起矣汀州
君才又公成其才以故卓犖博偉尤敦高節云
汀州君既卒進士居長安則為書請公及許夫
人來長安公謝不往汀州君日夜念公既已補

司寇尚書郎乃上書曰臣中行頓首頓首死罪
危罪臣有父乘在江南年七十有六不得視臣
即中臣又為 陛下守囹圄不得歸省父
陛下如以臣為巨壘則請徙臣留曹冀得只尺
家廬慰臣區上書久不報公聞之怒曰而翁尚
健善飯柰何以家語涵 上甲寅汀州君上功
考功 上封公視其子是時汀州君會有使淮
之役於是製冠袍帶芻珮鞍貯以棊筭誠蒼頭
負之先楚既至淮則又身自負 制勅而亟馳

之茗上邑令以下郊迎謁公公於是出筭中冠
袍帶芻珮鞍服之杜鄉稽首已揖令入盡召邑
之賢豪長者與飲而令以下咸起為公壽公驩
既已謝客還內召汀州君前勞之曰女衣錦矣
乃老人亦復被此 士恩哉鄉者讀女跡不益
我願令我憂稍洗沐休矣趣入侍 上已顧許
大人取吾褐衣來即又褐衣而行游布中市
中 人喧言徐封君至已窺其衣褐也則竊嘆曰徐
公不錦而褐哉汀州君既還朝明年丙辰

上又勅郎中中行允江南恤刑使者公聞之則
移書誠汀州君母歸而汀州君業已取間道急
還謁公公訝曰女婦耶夫使者奉簡書而南而
諸所纍纍械繫者日夜望使者至且吳越相去
不百里而女獨柰何不念衆人耳目乎女亟行
矣不竣使不訊於是汀州君宵發而公遂稱病
甚謝絕賓客誠門下蒼頭有敢為通一刺者鞭
之客有謁者竟歲不得見公遂去巨餽汀州君
奉檄出守矣婦謁色稍困公曰小子薄二千石

不為乎老人自束髮諸所覩記二千石及邑令
以下無慮數十百人吾不憶其他而貪者吾不
能置之懷也 皇祖時手戮貪吏甚衆以故吏
畏不貪已又著為大誥今貪者即不戮獨柰何
不盡其賄沒入之而使之魚肉其民揚揚盈橐
帛也諺云寧俸如泉小子識之即他日立枯若
水之上吾甘之矣以此汀州君治汀一年苦節
最著而公聞之嘆曰是稱吾兒也公故長者然
遇事輒勅勅英氣少時蓋從許夫人兄弟居云

夫人兄弟以賞雄里中故巽懦里中少年日謹其門也公怒立起即少年數之少年懼蒲伏請罪不敢出一語又亭長暴里中人人憚也公又面詰之遂畏不敢暴交驩而去公雖隱願善畫天下矣計時為邑長吏言長興至重至重者不水利哉歲水暴至走數百里田而山者立涸其下者又懷堤决阜無已時也胡不多其陂池而厚其隄隄高二丈廣十之長百之又多植桑柘橘柚竹梧陰陰叢叢其上也歲且獲木千章橘

千簾笋萬箇蚕萬頭孫子兩魚千石何問嘆潦哉長吏畏隄繇衆議格不行然自是窺公木時時咨觀矣客被構永解於公公謝不應而心悲之私為長吏言不令知也公雅好神仙黃老家言老愈甚日誠家人毋殺觀携魚管者必市而放之湖中也間從黃冠得精方輒欣欣藏之故人病即千里必具藥餌果脯遣訊里中瘦作輒煮膏數十斤人給之已又揭其精方於里門以故里中負病而起者咸曰徐公徐公云公即家

徒曰歸立歲時必誠許夫人手為羹召所與將
大醉道故舊咲樂而公晚年尤好鼓琴每攜斗
酒後二三舊游過湖上為一再鼓琴冷冷楚絕
後者若涉殊庭焉公七十五六時頭骨隆隆起
公故長髯盡白矣已又生黑鬚數十莖雜其中
乃更氈氍毹也里人異之而汀州君之郡時裝
回不忍別公公咲曰女念吾老而獨不見吾骨
及吾鬚乎而女何慮焉汀州君日為余言乃今
竟未百年而後悲哉歿之日公猶晨興與舊游

驢語頃之亦作公白脉之顧家人曰吾去矣其

為我冠即逝公起布衣經學十行岳立鳳舉摧
強濟困千里誦義而忠孝大訓克成名世之子
此其犖犖大者至於晚歲沉陸玄言又超然遠
舉矣可不謂有德仁人善始善終者哉公生於
成化乙未三月初七日至卒之日得壽八十四
配許夫八少公十歲同公封子三人長中孚娶
高氏先卒次中和娶殷氏繼娶錢氏次中行即
汀州君娶楊氏女二一適姜一適楊孫男二人

詠邑諸生談孫女四一適錢一適一適許一
聘周一聘蔡汀州將以 月 日下葬於

麓云銘曰

徐氏之宗肇自濠梁林麓疇畝累世乃昌英
英公載芬載揚義固金石手匹瑰璜產異
彪華日燦星芒天目窸窸若水湯巍巍而修
阡龍峙鸞翔嗟公室斯以永以截以引以緜
以莫不臧刻石率如閔矣無疆

贊一首

塋石劉文像贊并序

夫劉文者豈不彬彬君子哉既洽六經矣
又多所博觀百家者言矢之文詞秦漢韓
柳者類也乃其人又仁蹈義履敦禮而哲
其視人善若渴覲之漿而饑覲之脯也蓋
與家大人比部公四十年游矣余之後也
丈置之膝弄焉輒嘆曰是兒勃勃英氣稍
長覲余詞則又以國士顧余時時為人誦
說宗生宗生云后余幸遭時廁下大夫之

列廼文猶儼然當棲也今觀文之像蓋翩
翩儒而隱者嗟乎天下國家不可無才
也有才如丈廼顧使之儒而隱哉於是系
之贊以俟肖而至于者需焉

於維先生翼翼厥容玉立山停肅肅厥心日白
天青孰不有文維公則經孰不有行維公則醇
胡然而服薜荔其衣鳳伏鷗舞知我者希匪穷
則戚匪達則嬉或慶之眉蒼生之思慎哉維言
維宮維章談彼有善惟恐弗揚垢之舍之惟恐

弗箴弗箴弗揚厥心秀皇手何以恭極瀟扶危
足之蹈之中矩中規誰謂蜀險維公平之誰謂
漠廣維公濟之大放厥詞如圭如璋我儀圖之
為龍為先舍則鴻舉用則雲翔胡不凌烟系之
草堂

跋高文義公與顧氏手帖

嗟乎此文義為其兄弟丐塾師於顧氏帖也當
是時公蓋侍講稱貴顯矣乃不能庇一兄弟顧
後村中子弟丐精哉而公之言曰歲不有秋嗟

乎即歲不有秋柰何困一貴人兄弟吾親世入
見其父兄稍稍貴顯輒乘堅刺肥千金裘馬日
以意氣凌其鄉人其鄉之人即素與游者美飲
食以召之猶懼不往也乃顧肯從村中子弟丐
精哉無論公賢即公之兄弟不媿公矣而邑父
老至謂公是時蓋親作贅傳於村中云其歲時
伏臘而謁之家其主人輒具鷄米稻秫以歸之
公即亦受其鷄米稻秫而不辭也嗟乎公為
天子之貴臣使稍稍念其家而頻謁其有司即

有司孰不怵怵共命者乃公寧丐鷄米稻秫於
村中子弟而不有司謁也斯古人所難矣是時
公蓋奉其母夫人諱以歸且一年矣而顧公兄
弟又素與之游乃不一謁公公之詩曰芙蓉秋
水隔長溪蓋言近也近而不謁又素與之游無
論公及公之兄弟賢即顧公者不少哉可少哉

宗子相集卷之十一

廣陵宗 臣著

武昌吳國倫校

書部 九 二十二首

報既督學論南事書

鄉在長安幸從明公游意蒸蒸厚也病免歸則
又視我邸舍中既葺且得共長公朝夕甚幸甚
幸憲旌馳越而山中人不得遽訊以書時見越
上以邑中子弟召授經來則往往述明公視學

事以為非公兩究近世希觀觀也僕誠私心快
之會嚴博以職事赴越常首謁明公遂托一書
謝昔綜兼布鄙臆于下執事唯明公財察夫島
夷入寇吳越殺戮焚掠數百里為墟今古至變
謀臣策士徵兵集餉非不風馳雲湧至盛也相
持四載曾不得志于一戰乃反損軍折將重為
島夷觀笑何故執僕則以為不上兵而害兵之
禍也往歲吳越守臣初上夷變

主上覽書大怒下策庭臣持議者以為夷入知

風雨飄忽吳越入蠕弱不能持戈不足恃唯調
他方勁兵往剿可期而禽遂使侍御史曹郎出
選山東兵八千往授司馬司馬渡江逆兵廣陵
二千石以下朝夕供帳具散牛酒金帛勞士僅
三日糜二萬矣夫揚一郡耳自齊桓越涉三千
里凡經幾大郡則所糜何計哉既拒越一接戰
輒墮夷計中枕藉如山餘者望颯潰走常是時
僕在海上見潰卒幾千人徃徃從海上意氣而
壯不懼也是安取害兵執夫島夷與中原之寇

異往歲師寇起河南大軍一出輒剿已剿即勒
部散去此宜于客兵者也迺烏夷者如魚鳥之
在江湖林木出沒聚散一瞬千狀其勢難以盡
剿唯來則禦之去則守之是為至計即使客兵
盡勁可恃亦豈能常使之操戈萬里之外為我
禦夷哉護我將軍勒千萬人日夜走萬里山谷
間控越其所糜不知其幾矣而吳越連歲苦餉
既已竭江南租帑不足給之且田疇罷耕者什
五有司急餉苛征徒為夷益衆亡益也昔項羽

勒吳中子弟八千渡江長驅天下彼豈非閭閻
編氓而與今吳興稟哉士臣論強弱唯其練敵
臣論衆寡唯其氣為今計者唯練士倡氣之策
總戎青之監司監司責之二千石二千石責之
邑史鍛戈矛嚴行伍信賞罰行之而士不勁者
一世無之誠得海郡士盡勁臣論今變可彌即
他時夷來亦何怨也且又亡大費越中人往往
言夷畏寧紹不敢闚疆蓋寧紹人各各家海上
不聞則失其居夷來輒併力持刀格夷夷輒敗

去夫嘉湖寧紹相去不數百里豈強弱頓殊哉
邇者

主上念師久巨功詔捕總戎司馬罷謫大中丞
以一數人諸臣受大托而徒擁烏合之衆以冀
成功僕固內知有今也此中傳言各道兵日益
解散護戎者懼不敢問彼其暴露草莽久矣且
腹空無精又安能留之故僕以為罷各道兵而
日夜練吳越者甚便今楊公新拜命且明公雖
總文事慷慨戎機當得朝夕見胡不以此陳說
楊公之前而贊翊之僕蓄此衷長遠矣睹于近
事益恧不敢以聞楊公而為明公一陳者知明
公之所取信故假明公以信鄙言也亦唯明公
有以教之秋氣搖落千万自慶

報張範中書

鄙人結髮學語時則家君具言江上張先生者
博學工古文詞即已時時嚮往後間後諸集中
得讀一二大篇則固翩翩漢魏唐宋以後希覲
此語矣抱痾湖海長有志於作述之塗以為揚

左昔稱雄天下而文采未著私心病之刘子來
拜翰言且得讀重鄉諸叙則喟然太息深媿足
下博識公心又幸諸君子得以托其文於不朽
他日海內該文獻者以揚為稱誰之功也書中
獎借款篤俱媿鄙人之心至為文義公輯文托
梓則又棄梓百世華艷豈鄙人可致私謝于足
下者文義公勲名以著藝采特湮僅有所傳家
梓詩亦日就損壞雜讀至其自序中所稱文百
篇者即祈一字片語不可見聞蓋其中祚衰微

不能護守筐笥至皇綸箋札徃徃流散村家
况遺章散帙何望我及書來乃云得文至百大
喜輒以告御之父老又大喜靡不感嘆足下用
心勤厚使文義有知即何以報足下也文義之
文托足下足垂久遠何事鄙人之言顧既有重
命且幸生文義公後則亦不敢不勉綴一言以
報然非盡得文義文詳讀之則亦不能妄為之
綴以遺慙于下執事敢干記室祈其副歸已畢
讀廼封還不竟留也文義公後有楊司徒公胡

督學公楊以寸胡以節俱籍籍負重名邇以居
寡務採掇邑乘求之二公之家各出其詩文百
首畧為收整繁蕪約取精要稍并并矣意欲足
下各惠一言置之重鄉未帙則豈惟往者佩思
哉二公履歷畧具維揚新志中足下有憐才至
意當不厭斯談矣南北相距不數百里廼不得
乘月問舟與足下共坐江磯之石析言叩隱廓
我塵蒙言之抱勞而已劉子有江干之役敬附
一言為文義謝情無致私悰于左右亦惟左治

賜教焉

再報張範中書

自劉生去草卒勅一書二詩是日有客携色見
迺抵暮劉生秉燭侍書書既已不工而客復傳
危促起遂漫爾放筆不復檢省輒命投函詞翰
惡鄙誠所甘心若復謬訛愈不可矣劉生已下
乃大追恨及生回則已辱足下賜荅辱函征翰
太息彌襟真志華綃種種盛念至得文義手稿
二帙尤動百年俯仰之感讀書中語周環不能

釋去詞高自遠渺浩難闕重鄉錄序植義業公
彪彰隱采甄序百世藻品羣言真鄉國之可觀
而藝圃之上選也文義一序尤為詳與公去今
百年矣世事日新前修愈泯茲春中丞鄭公下
檄郡邑為文義整丘廩嗣作傳登石又得足下
輯文候梓闡菽函彙得文義生平墜心束慮沉
鬱百年者一旦昭彰時人耳目此其為益視鄭
更鉅矣僕于今世氣稱鄙願乃兵心詞藝以托
於君子之林若濟南李郎中攀龍湖州徐純節

中行南海梁比部有譽吳人王比部世貞楚人
吳舍人國倫數子者皆海內一時儒林之極雋
也僕亦得以奉陪末論共勵斯盟淺積弱培率
乏奇思近復僻居湖海朋友星疎芝朮在謀斯
理蠲慮向來一二小謬亦漁樵松月之間偶寄
遠抱耳苦不自知乃以請于足下足下不責其
愚顧漫為好語至重重其詞願當之者心慙貌
悚何楊胡二公辱一言便可長聞于世其集稍
有銓次即馳以請

三報張範中書

客冬維楫湖干則劉生芒然奉書還報兼之佳
梓三種辱之時迫霜雪遂未有以復茲宜復書
中所采當時諸大賈人語意旨甚厚嗟乎僕何
人哉足下乃以為可語則亦不敢鑰口僭布區
區夫聖人未嘗顯精文章之學而六經炳蔚萬
世共嗟左馬曹劉李杜者流相繼颯起即雖較
聖文後之言文者亟稱道之也千載榛蕪李何
再闢俾海內學士大夫重覩古昔譬則鳳麟在

郊羣心快之且鳳麟之為天下瑞也求其耕疇
而駕遠也則謝牛馬而世卒不屈鳳麟于其下
者以其文也以其文述以其用也而世之論文
者乃責其亡用于世則何以責鳳麟乎謂鳳麟
之文而亡用可也謂鳳麟之文而亡用而不及
牛馬也即婦人孺子而笑之文選者鳳麟之迹
也而鄙之以為不足讀是謂鳳麟之不能耕駕
而鄙之者也非忌則愚李子之則古以綴文是
李子之所以為天下重也而乃誚其奔走奴僕

之不暇然則述黃虞姬孔而談仁義道德者亦
將為奔走奴僕乎甚哉諸貴人之言之訛也諸
貴人亦豈能必是物遂見棄于世乎適足取笑
而自黷耳聊取足下所教我者以復足下足下
其亟釋然于鄙人之言毋為諸貴人所惑而且
以惑人也有便再牋報音

報梁公實書

去夏與足下別寺上未一月又別元美元美既
去僕病十月上書幸

主上賜得就醫故國今高枕草廬已暮春矣憶
昔並馬長安鳴珂授簡真千載奇觀也嘉會不
常盛圖誰再謝以春俾子以夏去元美與僕相
繼出都獨于鱗子與明卿落落京邑海內豪傑
能復幾人一歲之間萍分雲散良可念也于鱗
五馬之請當在暮秋而子與上疏分曹留中不
報豈惟聚散多端岐途偃蹇彼此固且甘之矣
足下本以烟霞之徒得遂初服採芝鍊石何所
不成矣為文詞益復凌駕不可羈紲僕常言人

世祇有二道上焉者乘青雲弄紫霞而次則宏
詞麗句照耀今古名並日月莫得而掩焉是下
將無兩得之耶僕之為心是下所知謝客岳居
不敢自棄以負知己近日採藥深山遇異人授
以大还之術意將文詞之業大就然後躡屨而
從焉山中遇值貴鄉人附此往訊用申前盟茲
秦南來則僕有浪游五岳之興羅浮雖遠幸為
我選石相待也臨風悵悵不知所云

報吳明卿書

與之下別長遠矣去夏真丞送一書握讀數過
愴然增情偃卧空山函報日路及元美至奉一
書一詩乃知使節還楚過門不入紙有愧嘆洞
庭浩渺音書益難計今秋使節過揚必得一觀
遣使江滸往遲前驅元美書來乃謂是下擁二
雁從西北迤趨上國令我惆望彌時潸然淚下
關山迢遞羽翼參差是下讓僕以山中自驕寬
矣寬矣射陽湖上遇子與謂是下詩思益雄恨
不能即夕見是下握手大呼命楚妃烹鮮進醴

為荆高飲也今已整輿上塗即可壯鄉思君數
詩徃省足下亦必有相懷者

報唐子晉書

徃者卧疴疇龐辱故人進艇來訊披草盤教俯
仰在念理攝問道載辱錫言考品殊采遠情克
溢僕將口接心藏歲月同積矣一別舊廬冬春
改序霞石易拋風埃難洗言念同心喟焉傷念
足下手握璫玖采注葉流行為天下大觀而觀
者稱快席藉輝艷同志者可諒也仰承德音以

慰饑渴

報于鱗書

日辱使使來遺書倉卒裁報未盡所懷案牘之
煎時茲所教詩三帙帙讀之一讀一嘆更讀細
長安中語近者七言愈益渾涵雄深得之象象
不能求出之意意不能解即杜尤難之况其靡
靡者乎可謂千古一步矣七言絕句唯李王可
以近之清夜放歌輒翩然高舉如聽羽衣霓裳
也五言古不多見肆精詣七言古者則又可敵

杜云總之包統羣才會以神解俯仰寥寥何哉
斯才平淺鑒妄評助足下一咲耳鄙言塵案或
一涉之必有定議削其鼠鄙者還報豈不可也
明卿已拜青瑣吾道生色天下古心泐識卓絕
人倫二三知己撫心長嘆豈必取信矇瞽哉相
去千里便翔頗衆登高有賦不惜嗣音

報陸長庚書

暑春一為絨報便又深秋望足下片楮心目斷
絕豈忘之或遂棄之也家大人書報六月大而

至使鷺鷥棲我笑藻館中則足下商墅當不絀
拒波浪浸几矣細若諸郎若豈安水居即水中
拾一二穗穢歲計何恃大為足下稱苦足下既
苦窮乃禹若又竟長逝又何也往歲僕走別禹
若則禹若尚挾刺訪客又安有病即病日慮也
不謂遂已夏中方對客殮聞之輒棄狼沍數行
下此若負奇使氣口期期又好文致其詞此俱
可書足下宜書以報我當不使此若遂泯也其
孤嫠抱影何恃為命足下及伯章諸若負高義

當後已而先之檢笥中得精直二金以道遠不能買隻鷄斗酒而哭之足下其為我遺諸其孤時夜直省中秉燭書此朋好星疎存歿關念投筆長歎不能為心

報趙山人書

趙先生來辱幸賜書又賜詩詩七言凡五首誦之鏗鏗何其詞之粹麗也即情又恭厚乃不能綴數語奉酬山人山人其信我沉沉矣山人老矣願益賦詩寄遠作少年語即山人少年時何

如又恨不能以身當之也風塵中事不可聞于山人山人善自愛即今世求如山人類然稱八十老夫而猶作詩若此者固已鮮哉

報陳使岩書

日策馬逐羣吏先不得一間具牘往訊誠恨之矣乃公不棄惠然函書粲而遺之僕則何堪焉邑長老時時書束則皆睹今追昔恨不得再抱我公顏色而控馬訴之鬢白一詞也邑困甚矣稍稍得保其父母妻子而河伯又以一水魚鱉

之天乎天乎我公其將謂何姑孰之聲請甚他
日去之則此地於公又何異興也以僕觀于當
世之役事斯民者如公難矣難矣寸心又結輒
因使者布其區區

報鄉中父老書

家大人憑恃諸父老之寵靈而以並耆稱則既
已受賜矣乃長者不棄其舊而又儼然辱之以
言登之搃守星辰並顯也則豈惟家大人賴之
其自臣以下皆拜長者之賜舍弟以報書來乃

右歲之十月而臣是時方陪諸大夫未議計吏
省中嚴不得核家人語今年春二月休沐傷即
始得把書始悉長者所為錫言於家大人狀也
則命侍子焚香南鄉再拜而謝之仍遣一介以
申于下執事其不能上壽長者之前以效其區
區亦惟長者諒焉

報子鱗書

足下之以諸子來辱也不能效吳黃門所為勞
御使者謹獻家鳧之子二百而餘為佐太夫人

朝膳足下倘以為不辱則命獲入內焉

報王司馬書

臣之辱受於明公者勤矣即抱區區不敢輒有
以及節鉞誠懼之也乃明公不棄其愚又使使
以書辱之而重之名醜臣也仰辱明公之寵命
敢不祇承謹北鄉再拜而受之仍以分飲于二
三子之同志者以昭明公之賜明公開府北塞
累挫大虜俾之投戈棄騎而步勲名駁茂麟閣
其光臣竊家大人此誦之餘亦何幸遙承光榮

而快焉大兄大人名德絕采卓冠人倫不以臣
為不肖而收之二三子之後而辱與入游此義
金石罔刊矣使者北騎敬具一言以謝明公臨
楮是懼

報元美書

使來再辱書言、淚也是夜與徐生把讀吳生
邸舍中又讀二生書黯然相照已乃命酒、酣
起舞且歌且泣索筆賦詩各得一章以報足下
乃更相與夫醉而去吳生自誦日過我兩生醅

有幾盡子與即不以謫且得並吳生南獨僕抱
憤孤棲其視晝宵永于春秋矣足下去三子覲
楚囚且重愁交錯其心不得見三子一語大為
足下稱苦願不若僕心甚也見贈一章慘淡難
讀咏懷奉什奇鬱悲慨並軫離騷我輩邁此險
畏頽于斯道深矣二子將南足下又遠蜂目頻
睨蛾眉難毀躑躅四顧我勞如何使歸口授往
報不任延結

報王司馬書

自大兄出使遂不敢以一言輒上于旌願所為
感明公之愛而深念大兄遠違者其情山積也
秋高馬肥胡騎不敢南嚮明威所及萬里生寒
明公之巨勳茂勲並於日月矣國家計功而酬
則如明公者宜何如處焉公快私忻或言鼓舞
人便敬上起居唯明公為國事加憂臣也不勝
大顛惶恐惶恐

報明卿書

日與二三子燕不遊手足耳目也昨悲王生去

尚得二子破之今二子又去矣僕即悵、安所
指語予前視足下邸中一上駟便覺寒氣射入
至省則百骸如火狂惑昏憤時作夢中語方其
亂時不知足下去也稍定乃知之則心痛欲割
耳再一日彊視徐生既而復困對鏡日癰、
不樂恐遂為真宰所苦徐生薄命又夫其子含
淚登輶去往增怨昨者馳馬西城忽欲投刺足
下既而念足下已東輒淚淫淫下掩面反足
下日就江湖所歟漸放鄙人孤遊棘莽踪跡可

憐握手何時傷心無已昨已移書舍弟誠其出
迂于旄射陽之湖西三君共棹而東醉我百花
洲上則薜蘿楊柳將分華割榮而快焉病中據
案申悃展筆屢投淒涼無極前途自愛時惠德
音

報黎惟敬書

鄙人之聞足下於二三子心甚也一見足下蘭
若便令灑然再醉二三子邸中則一日千載矣
我二三兄弟一朝舍我而去之即又不能留足

下是天之欲廢吾手足耳目也又何言哉又何
言哉方足下東時鄙人憤、伏枕遂不能有以
效芻秣二君並舟而南街孟嘯譟大是樂事昨
已誠舍弟遲三君湖上倘不過我洲前大醉者
恐垂花流水相與咲之章、布棕願言自愛

再報明卿書

子與行倚病題數字往報投筆淚灑不知所云
及使歸奉七日手書密封黯淡至不能卒讀足
下以郊行不見僕為恨豈知僕當是時乃憤、

不知是下去也是下去尚得子與一二晤言今
子與又去矣孤坐而悲萬念並起躍馬出署竟
復何之或有羨饌名醞藏之誰待鬱抱日起孰
為宣之驚人佳句其誰誦而歌焉俯仰傷懷寸
心萬折既而自解借使僕與二三子隔千百世
而生如左馬李杜者則亦何得二三子以為懼
乎且長安中貴人不少吾彊以二三子視之亦
胡不得而惟二三子是思也則輒自斃其欺為
悲更甚耳足下與子與並醉而南離情日損獨

子與念吾病恨足下不見之也所為贈足下行者文一長歌一絕四二君共之稍得病思佳即為綴報何敢忘之乎足下亦何得巨言也我輩既不得握手則時、治書相報

報于鱗書

使者來讀十二體詩怒髮指冠而君何得乃爾是夜命楚姬奉卮展楮章、綴之星辰亂落頰日獨酌卒不使而生獨擅千載也元美遺僕書謂僕當决漳河灌襄國欣然有當於鄙心太行

久為足下所苦今西而秦則二葉更復生愁日者地坼山裂黃竹人立得非足下消息先傳乎僕當為足下賦二葉篇以報之恐風電起輿中驚怒使者乎綃之辱吾已命楚姬佩之願何以報蔡夫人也

報元美書

先數日于鱗遺我十二體詩讀之血氣俱動不意二君相逢作此奇事及使來又讀佳篇則文章甚也直須决滄海黃河波濤入立令足下不

得東于鱗不得西始為快耳僕即不得後兩君
遊亦賦十二體命曰獨立詩成舉白命美人歌
之不減兩君並危也足下何以教之

報元美書

僕聞古者有遠行則其與游咸有贈貽以結永
好足下被繡擁旄授兵千里其為故人來寵甚
厚不可巨贈夫足下所督戎者故齊地也其俗
僇悍惰賊推埋作姦羣邪藪澤譚王道者病之
足下往矣得以憲章後事取象于物惟身性為

能觸邪故贈君豸衣一襲夫羣邪所自邪也亦
自上之約束為之不束之而遽收之是謂不教
而殺非聖謨所貴君子之束人也必先自束其
身故贈君腰帶一束自束束人矣猶有不若者
則付之三尺以彰國威以著足下之明信故贈
君古劍一口明有豺豹此有魍魎無不靡之矣
此數物者不足以當足下顧于鄙人之心抱區
區焉敢再拜以獻足下唯足下圖之

宗子相集卷之十二

廣陵宗 臣著

武昌吳國倫校

書部 九十七首

報省甫書

鄉携二三子游足下至驩也足下而去實勞我
心春中王徐各使吳且罷為從事以南長安中
遂不能出片語矣憶足下登武夷羅浮南窺大
海弔梁生之廬而綴其遺文以歸時時決之不

意足下乃奉尊君諱返蜀也則吾數人者鈞窮
途矣足下讀札之暇上綜千古采其英華時復
濯錦江之波登巫峽之巔揖杜甫草堂而俯仰
焉則與二三子飲燕市中何殊也王生近遷齊
憲視戎事徐卿留滯江南而明卿雖謫乃能日
挹白漉卧獨使僕偃蹇鬱上行將拂衣長往南
游吳楚西窺巴蜀訪足下為十日之飲足下其
旣危而待焉

報姜使君書

壯歲中奉干旄足下觴我西湖之上一日論心
便足千古使僕耳目駭嘆如登崑崙閩風從春
山遊也含嘆而封未幾即聞拂衣行矣僕性性
無繇日增太息每與縉紳先生談人倫之高致
必首足下至於吾黨猶數數焉自王道陵夷士
風日隳世之學士大夫命視簪組仇遇泉石一
聞足下之風不咲其迂輒議其狂然未嘗不瞿
然驚赧然愧也則足下所為拂衣高蹈其足以
媿夫沉溺于富貴而不知返者功偉矣功偉矣

首潛恥祈腰五斗賦歸去來詞萬古嗟誦焉即
足下所為文詞詩歌何莫非歸去辭也則潛以
來足下一人而已嘗欲為足下賦繼替之篇第
以身游塵中乃作塵外語是以展筆心愧握翰
屢投又以佳禍三帙金石匿渝忍托非其人自
所遺誤日月云邁遂至於今顧所耿耿于足下
者未嘗一日去念也鄙人慙負足下不能先時
掛冠今遂為閩吏矣鄙人不難長往獨念大江
以南名山大川賢人隱士神仙靈異皆生平神
遊未覩者亦欲假此以暫宿抱行當泛所湖登
會稽窺禹穴八天台鴈宕以及武夷順江而下
則先訪足下之廬回與足下尋匡廬之白鹿撫
洞庭之蒼梧南泛瀟湘西窺巫峽然後傍帝子
之高閣訪彭澤之故墟結廬而隱以畢愚志士
不可也足下其有以許我乎

報明卿書

所往訊尺書足下巴譜之不僕今遂為閩吏矣
所不能拂衣者不分足下獨擅匡廬亦欲登武

堯之巖庶其有餐霞茹芝者乎則將脫屣而後
為為裝且茲任司理携足下書來開函讀知足
下果坐五老家日駭白鹿走也既而讀諸篇惟
渾悲壯當與廬山爭高已又會宋柱史大稱足
下吏隱雅度不為此官所苦足下豈僕所稱東
方先生哉僕以旂舟東下秋末渡江若越氛未
靖則當徑赴九江與足下踐烹煎之約足下須
豫作武夷歌以待我不然我當驅五老而南令
足下落莫無五也

報吳峻伯書

自王吳諸子去國耳目久廢得足下再至為我
起之遊手以來無間日夕停杯展翰投筆高歌
金石琳琅絲然四座奇句險語驚絕今古万象
爭趨三寸失色風雅以還鮮見其儔矣造物忌
盛鄙夫當之故人憐我時一召我為別偃蹇流
落之人無所比數然而神遊八極心遊千古此
足下所知即使重之放逐愈益助我長往耳將
茲之夕寸心欲裂展筆數十韻皆從涕淚中來

他人讀之靡不悲絕况我兩人哉花下停觴便
成万里含凄東馳滌貝搖落回睇金莖白雲障
之數日即聞東魯之命輒為慰喜非一學掾便
足為足下重得假此聚首廣陵天自之間殊一
大快耳刻下解纜披數語往謝祈為斯道自愛
報元美書

鄙人發京時留一書數詩史鴻臚轉報當不至
作廢生也方渡淮烏夷環至自戈戟中一覲老
母即日夜後諸父老負矢石坐睨睥而賊後據

寇郵已又寇寶應縱火燒千萬家風烟亘天連
十日不滅孤城口尺如坐甕中此其抱怛、怛
怔難制矣賊幸火掠徑東方問枕簟而健兒方
又時足下手書來各函大笑樂已又讀放歌行
辟則大羣諸山突起几席蛟龍大呼風雨驟至
非鄙人當之幾至顛倒是下別後乃作如此奇
恠而感懷諸篇悲壯慷慨一言一淚使後世讀
之其謂此時何也塗聞北鄙警甚為尊者作苦
比自百年恒跡乃致峻責固足下遺之矣昨觀

灾詔令人驚恐誰其召之獨遺 主上之憂孤
臣萬滾無地可揮閩吏為言春三月勁夷二千
直控閩省焚千家滿載而去軋坤生事竟作何
狀鄙人稍、可身即渡江一覲家君便束衣南
下川塗隔絕音告漸踈所幸者朝夕子與及武
夷諸君不大落莫于鱗稍足自慰明卿父卧白
廉洞中書來意氣更可憐耳使者後歸且方寸
中 為牽盜所據不得出片語往報聊附此申
謝放逐之人何可稱賀遠謝故人抵增太息

報李子藩書

暮春握別便迫歲殘日月如馳良可軫慨秋杪
渡江訪華陽登采石望謝朓之青山睇嚴陵之
釣臺既而入延平眺武夷則諸高人之遺跡在
焉便欲掃石餐霞翮茅結宇長任白雲畢此玄
業北望同心渺在万里滿目江山祗生嘆恨小
吏回足下幸然以華牘珍贖辱遺之開函涉句
黯然心折且備聞陳情之舉豈以山公雅度亦
幕中散哉足下跡繫纓冕心在烟霞不特僕知

之即天下之人信之矣茲請未遂豈羅浮武夷
之間猶有宿業未洗也載披名篇章、驚嘆腥
膾烏鴛痛哉言乎鴟夷魯連之懷彼此同之矣
感興二章寄心高遠末章古健詞不渝心歌律
諸什則垂雲流霞布至所謂冥心卧崑丘寂照
觀無始成有悚乎其言也所幸者家大人見諒
苦不以纓冕束其子有問即欲掛冠近則華陽
遠則鴈蕩雖不可著書立言藏之名山以待後
世至於枕席曰雲几杖明月歌淮南之桂叢佩

湘江之蘭茝則猶愈於逐逐折腰向人而不知
止者也知足下之蓄此念久矣察廓之期幸毋
相負

報明卿書

四月出薊留尺牘荒詞劉武庫邸中計楚騎日
南可扣白鹿也今歲暮矣足下曾無片言隻字
訊我豈忘我哉夏中還廬峯為鳥奴所苦秋渡
江遇子與共醉華陽三日已又登燕磯眺鳳臺
稅駕白鷺之洲呼月采石之巔西睇楚雲心神

飛越十月捉武夷掃石捫蘿放歌長嘯青楓萬
里白雲滿衣苦憶狂奴寸心如墜耳子與日坐
烽燧中却有佳句元稹贈我長語奇麗動人是
下久負武夷詩不報何也吾將遣白龍而問之
江上聞足下量移南康六令人生妬豈白鹿遂
作若家物也貴鄉妣文學奉其尊人北歸便訊
起居更數日僕與子與有顓使執足下其束筭
草而待焉

報明卿書

別足下日月頗遠顧時時念之至於登眺江山
雲霞莽互不得足下楚歌放之為念更深矣
足下坐廬山中即得五老白鹿日相酬酢恐未
盡解足下語也則足下之念如何僕之入閩也
日手戈戟後健兒遊然坐卧青山差極快意子
與相隔千里鉅阻面譚郵書甚勤獨足下與李
王二子經年不得片言然二三君子豈容一日
忘我哉昨妣文學歸附尺牘往訊茲遣乃子與
及僕顓使也敬問楚客楚妃楚公子起居且恙

其同中詩自春以往者悉函授使者歸也即與
足下枕石而醉不殊矣玉華一篇用寄遠臆武
夷片碣遲君久矣惠我德音慰其饑渴

報子與書

前二日平子之使便附訊起居健兒奉軍書至
乃知足下之勞於戎事甚矣且足下空國而來
使山賊猝起何以應之前督府下檄特急不可
以請今稍靖矣當具言汙不可已兵狀請罷其
聽調二千如何昨所擒成者威閩卒也乃

二千餘人日食省中驕不可制白日攫而人婦
女稍詰之則抽刃相向乃賊至又不肯殺一矢
也僕談斯事怒髮上指冠乃今覩閩卒成功首
稍稍垂矣而歲費帑金蓋三萬可恨哉僕意言
之督府請罷去廣兵而歲捐萬金練賴兵二千
入戎省其可持蓋不下廣兵且延邵之間其悍
夫猛士盡可兵也足下其以為如何同安雖幸
未陷然亦未能安枕矣草草布臆炎甚自愛

報吳督學峻伯書

自與足下別紫薇而南也日遲足下廣陵消息
斷絕乃遂赴子與華陽之約然未嘗不談足下
高誼至惆悵罷酒也足下停車泰岱觀周孔之
故墟采管晏之遺事且得近携王李遠睇蓬瀛
壯遊哉鄙人以往歲十月入閩即厓山海之役
夏中負矢拖關允兩越月不休衙矣今且護蒼
梧軍三千以歸足下視鄙人何人哉而今乃若
是鄙人即非忘情人世者願覩此五十宴不睵
其身稍過計吏之期則顯尺跡上千

明主乞湖上扁舟以去二三子其坐日觀之
待我相與大醉十日作千百佳語因之短笥五
岳不返矣奉懷數言聊以代面

報子與書

鄙人督蒼梧軍西也其人威虎而戟日夜憂之
三策唯厚勞其酋長酋長喜遂戢其下不敢掠
塗然亦其塗之人徙其鷄犬孳孺而匿之他所
故免足下幸傳檄塗居者毋縱鷄犬不收毋不
能一時去其孳孺以為護軍使者憂也今將樂

矣再五日可汀足下其勅徐夫人煇天日茗菴
待我

報子與書

羣酋數日頗戢又費郡中牛酒以為父老憂使
君有罪哉漳南君既未到于旌便不勞遠出遲
我碧雲可矣

報李明府

臣束髮學語時則嘆公之於家君何驩也雖未
得執經几杖亦辱庭教之矣公雖去敝邑日遠

顧其遺教猶炳炳在目也則臣之幸竊章服非
公遺教人事參差缺然訊問客秋道左又未獲
展覲龍門公不棄乃以遠書厚貺辱之啓函拜
意沾沾喜也已而把讀迴環撫焉興念公今白
髮僕亦壯夫二十年間宛然陳跡矣因與叔氏
道舊俯仰長嘆公起居豚矣即又有諸公子奮
翼青雲豈不快得意哉僕偃蹇乖時不即引去
恥為公談之他日卜築西湖幸有心作王當不
大落莫也叔歸附此具謝會有遠役詞不宣心

報莊吏部

再辱賜書公之念我何深也夢我諸篇詞翰奇
絕蓋雲霞亂墜矣我明稱名吏部則無逾蘇門
西原少海諸君頌其詩可得而言也公謂高詩
玄淡而乏風骨佳談哉佳談哉方公與高游時
何不以言振之令後世有詞也然諸君俱奇蹇
淪落不俯詰于世足稱名流矣公雅意鄙人期
之兼地甚幸甚幸願不欲負諸君豈負公哉

報子與

自足下出關日忡忡怛怛不能一日釋足下意
獨恠之不知足下乃奉尊公諱痛哭歸越也書
來把讀一淚盈裾矣諸大夫靡不謂然興嘆即
臺史且亟亟言斯人玄是汀之厄也尊公何恙
何竟不起太夫人得丘過痛乎是皆助足下悲
也第尊公八十餘老矣又得被章服游里中數
暮不愈焚麻松丘哉足下可無恨足下杖而讀
禮上奉太夫人高年以其餘掇采千古卒成大
業足又報尊公地下無已時也不腆之奠敢聞

左右唯足下彊為太夫人加殮臨楮於邑

報明卿

曾叅戎二月來致足下書知官舍窳寂日惟磬
師弄琴語也蓋黯然矣讀足下詩又沾沾喜昔
謂詩必窮而後工有味哉有味哉三月朔親計
吏牘則足下乃又有謫命矣是日為足下頽足
刳皇泣數行下天乎足下何罪而再遭之也即
欲走一介訊足下武昌會倭遽至而環之蓋三
月道塗始闢遂冉冉至今也顧此心何嘗一日

不念足下足下再謫予與苦居元羨近迫家難
乃孛生固久棘矣而獨僕折腰五斗不即去豈
理哉日夜謀所以去狀不得則移病耳陳大叅
入楚附此一訊而望於邑

宗子相集卷之十二

終